


# 文献通考

二百九十八之三




五  
六

一	一	漢書門
一	二	
六	二	
八	六	
八	八	
〇	八	類
〇	〇	

庫	文	閣	內
元	一		漢
和	二		書
函	五		
一	〇		
〇	六		
〇	八		
架	冊	號	類

內閣文庫			
番號	漢 11568		
冊數	100 ( 87 )		
函號	294	1	



文獻通考卷之二百九十八

淺草文庫

宋鄱陽馬端臨貴與著

明蘄陽馮天馭應房校刊

物異考 火災



春秋桓公十四年八月壬申御廩災董仲舒以為先是四國共伐魯魯君臣內怠政事外侮四鄰非能保守宗廟終其天年者也劉向以為御廩夫人八妾所舂米之藏以奉宗廟時夫人有淫行通於齊侯揆逆心欲殺桓公天戒若曰夫人不可以奉宗廟

莊公二十年齊火災劉向以為齊桓好色以妾為妻適庶屢更故致火災

僖公二十年五月乙巳西宮災董仲舒以為僖娶於楚而齊滕之脅公立為夫人西京小寢夫人所居也若曰妾何為居此宮誅去之意也

物異考 火災 卷之二百九十八

宣公十六年成周宣榭火榭所以藏樂器宣其名也董仲舒劉  
向以為十五年王札子殺召伯毛伯天子不能誅天戒若曰不  
能行政今何以禮樂為而藏之

成公三年二月甲子新宮災穀梁以為宣官一曰宣公弒子赤  
而立不當列於群祖故天災其廟

襄公九年春宋災晉侯聞之問士弱曰宋災於是乎知有天道  
何故對曰古之火正或食於心或食於味以出入火師古曰味

是故味為鶉火心為大火陶唐氏之火正闕伯居商丘祀大火  
而火紀時焉相土因之故商主大火商人閱其禍敗之釁必始

於火是以知有天道公曰可必乎對曰在道國亂亡象不可知  
也韋昭曰大亂之君若天下復告故無象說曰古之火正謂火官也掌祭火星行火

政季春昏心星出東方而味七星鳥首正在南方則用火季秋  
星入則止火以順天時救民疾帝嚳則有祝融堯時有閼伯民

賴其德死則以為火祖配祭火星故曰或食於心或食於味也

相土商祖契之曾孫師古曰契讀曰僕音先列反字或作尙其

孫未詳代闕伯後主火星宋其後也世司其占故先知火賢君

見變能修道以除凶亂君亡象天不譴告故不可必也

三十年五月甲午宋災劉向以為先是宋公聽讒而殺太子座

應火不炎上之罰也

昭公六年六月丙戌鄭災是春三月鄭人鑄刑書士文伯曰火

見鄭其火乎火未出而作火以鑄刑器著刑於鼎故爭碎焉稱刑器法設

不爭故火而象之不火何為說曰火星出於周五月而鄭以三

月作火鑄鼎刻刑碎書以為民約是為刑器爭碎故火星出與

五行之火爭明為災其象然也又棄法律之占也

九年夏四月陳火時楚靈王滅陳鄭裨竈曰五年陳將復封封

五十二年而遂亡子產問其故對曰陳水屬也火水妃也而楚

五及鷓火而後陳卒亡楚克有之天之道也說曰顓頊以水王  
陳其族也師古曰陳舜後也舜本出顓頊今茲歲在星紀後五年在大梁大梁  
鼎也金為水宗得其宗而昌故曰五年陳將復封楚之先為火  
正故曰楚所相也天以一生水地以二生火天以三生木地以  
四生金天以五生土五位皆以五而合而陰陽易位故曰妃以  
五成然則水 之大數六火七木八金九土十故水以天一為  
火二牡木以天三為土十牡土以天五為水六牡火以天七為  
金四牡金以天九為木八牡陽奇為牡陰耦為妃師古曰奇故音居宜又  
曰水火之牡也火水妃也於易坎為水為中男離為火為中女  
蓋取諸此也自大梁四歲而及鷓火四周四十八歲凡五及鷓  
火五十二年而陳卒亡火盛水衰故曰天之道也  
哀公十七年七月己卯楚滅陳

昭公十八年五月壬午宋衛陳鄭災董仲舒以為象王室將亂  
天下莫救故災四感言亡四方也

定公二年五月止門及兩觀災董仲舒劉向  
以為此皆奢僭過度者也先是季氏逐昭公昭公死于外師古

奢僭者一曰門闕今所由出也今舍大聖而縱有罪亡以出

號令矣京房易傳曰君不思道厥妖火燒宮

哀公三年五月辛卯桓釐宮災董仲舒劉向以為此二宮不當  
立違禮者也哀公以季氏之故不用孔子孔子在陳聞魯災

曰其桓釐之宮乎以為桓季氏之所出釐使季氏世顯者也

四年六月辛丑亳社火古曰亳社也董仲舒劉向以為亡國之杜  
所以為戒也師古曰天戒若曰國將危亡不



用戒矣春秋火災屢於定哀之間不用聖人而縱驕臣將以亡國不明甚也一曰天生孔子非為定哀也蓋失禮不明火災應之自然象也

漢高后元年五月丙申趙崇臺災劉向以為時呂氏女為趙王后嫉妬將為讒口以害趙王王不悟卒見憂死

惠帝四年十月乙亥未央宮凌室災藏水之室丙子織室災織作劉

向以為太后立魯元公主女為皇后凌室所以供養飲食織室所以奉宗廟衣服與春秋御廩同又天戒若曰皇后亡奉宗廟之德將絕祭祀其後出崩后亡子取後宮美人子立之呂后崩

諸呂為亂大臣誅之而立文帝惠后幽廢文帝七年六月癸酉未央宮東闕不恩災師古曰不恩謂連闕

庸之處其形果愚然日屏也劉以為東闕所以朝諸侯之門也果愚在其外諸災也以之象也漢諸侯王連城數十賈誼等

以為違古制度必將叛逆先是淮南濟北皆謀反其後七國舉兵而誅

景帝中五年八月己酉未央宮東闕災時栗太子以罪廢自殺丞相周亞夫下獄死

武帝建元六年六月丁酉遼東高廟災四月壬子高園便殿火董仲舒對以春秋時亳社兩觀桓輦廟災四者皆不當立天皆燔其不當立者以示魯今高廟不當居遼東高園殿不當居陵旁於禮亦不當立與魯所災同

按古者諸侯不敢祖天子則高廟不當立於遼東也古者墓以藏體鬼廟以宅神靈故祭於廟不祭於墓則高園殿不當居陵旁也二者皆失禮之事謂天燔其不當立者以示警猶之可也而仲舒所對累數百言至謂天災若語陛下視親戚貴屬在諸侯遠正最甚者忍而誅

之如吾燔遼東高廟視近臣在國中處旁反及貴而不  
正者忍而誅之如五爇高園殿大禁勸帝以多行殺戮  
而於郡國陵墓不當立廟之說畧無所發明帝采其說  
而使仲舒弟子呂步舒治淮南獄深竟當與坐死者甚  
衆蓋此對徒足以啓帝之忍心而畧不能革漢之失禮  
矣故祇取其兩言而餘語則盡削之云

太初元年十一月乙酉未央宮相梁燹災先是天風發其屋夏  
侯始昌先言其災曰後有江充巫蠱衛太子事

昭帝元鳳元年燕城南門災劉向以爲時燕王使邪臣通于漢  
爲讒賊謀逆亂南門者通漢道也

元鳳四年五月丁丑孝文廟正殿災劉向以爲是歲正月上加  
元服有明哲之性而大將軍光久秉政不歸亡周公之德將有  
國害故正月加元服五月而災見古之廟皆在城中孝文廟始

出居外天戒若曰去貴而不正者宣帝既立光猶秉政驕溢過  
制妻顯弒后隨以誅滅

宣帝甘露元年四月丙申中山太上皇廟災甲辰孝文廟災

元帝初元三年四月乙未孝武園白鶴館災劉向以爲先是前  
將軍蕭望之光祿大夫周堪輔政爲佞臣石顯許章等所譖望

之自殺堪廢黜明年白鶴館災園中五里馳逐走馬之館五里者言

其周回五里不當在山陵昭穆之地天戒若曰去貴近逸遊不正之

臣將害忠良後章坐走馬上林下烽馳逐免官夜於上林苑下舉火馳射也

永光四年六月甲戌孝宣杜陵園東闕南方災時上復用周堪  
張猛等石顯終欲害之園陵小於朝廷闕在司馬門中內臣顯

之象也考宣親而貴門闕法令所從出也天戒若曰去法令內  
臣親而貴者必爲國害後顯卒害猛

按魯哀公三年桓僖宮災左傳載孔子在陳聞火曰其

物異

文獻通考卷二百九十八

五

崇禎三年重刊

桓僖乎杜征南注以爲桓僖親盡而廟不毀故天示以災公羊傳之說亦然蓋踰禮制而以諂瀆事神則神亦不享其祭故天降之災非曰桓僖有以獲罪於天而火焚其廟也至仲舒劉向則謂以季氏之故桓則季氏所出而僖則使季氏世卿者於是以其咎不在當時之君而歸過於祖宗其說鑿矣至其論漢世以來之災異知高廟之火以爲爲諸侯王大臣文廟之火以爲爲霍光宣廟之火以爲爲石顯夫諸侯王之過制霍光之專擅石顯之姦欺所以致之者時君之過也於先代何與且曰貴而不正者天燔之是天欲示警於子孫而焚其祖宗之廟蓋亦迂遠而不切矣况宗廟人主所嚴事者也災延宗廟變異不小不思側身修行以謝天地祖宗而方且以驕宗專擅之臣擬之以爲天惡而欲燔之以示

戒其說不亦謬乎

成帝建始元年正月乙丑皇考廟災初宣帝爲昭帝後而立父廟於禮不正又特大將軍王鳳擅朝將害國家故天見象

鴻嘉三年八月乙卯孝景廟北闕災十一月甲寅許皇后廢

永始元年正月癸丑大官凌室災戊午皇后園南闕災時趙飛

燕大幸許后既廢上將立之故天見象於凌室與惠帝四年同

應又皇后起於微賤與趙氏同應天戒若曰微賤亡德之人不

可以奉宗廟將絕祭祀

永始四年四月癸未長樂宮臨華殿及未央宮東司馬門災六

日甲午孝文霸陵園東門南方少長樂宮成帝母王太后所居

也未央帝所居也如謂臨華殿宗盛德園也時太后三弟相續秉政

舉宗居位充塞朝廷驚言國家故天象仍見

哀帝建平三年正月癸卯桂宮鴻寧殿災帝祖母傳太后所居

也時傳太后欲與成帝母等號齊尊大臣以諫獲罪後三年帝崩傳氏誅滅

平帝元始五年七月己亥高皇帝原廟殿門災盡時平帝幼于

太后臨朝委政王莽將篡漢祚隨高帝宗廟故天象見也

王莽地皇三年二月霸橋災數千人以水沃救不滅

光武建武六年十二月維陽市火

二十四年正月戊子雷雨霹靂火災高廟北門

明帝永平元年六月己亥桂陽見火飛來燒城寺

章帝建初元年十二月北宮火燒壽安殿延及右掖門

元和三年六月丙午雷雨火燒北宮朱爵西闕

和帝永元八年十二月丁巳南宮宣室殿火時和帝幸北宮竇

太后在南宮明年竇太后崩

十三年八月己亥北宮盛饌門閣火時和帝幸鄧貴人陰氏以

罪廢死立鄧貴人爲皇后

十五年六月辛酉漢中城固南城門災此孝和皇帝將絕世之象也其後二年帝崩殤帝及平原王皆早夭和帝世絕

安帝永初元年十二月河南郡縣火燒殺百五人

二年河南郡縣又失火燒五百八十四人 四月甲寅漢陽河

陽城中失火燒殺三千五百七十人先是和帝崩立殤帝復早

夭平原王勝有廢疾乃更立清河王子是爲安帝

四年三月戊子杜陵園火

元初四年二月壬戌武庫火燒兵物一百一十五種直千萬以

上時羌叛大發兵禦之積十餘年天下厭苦兵役

延光元年八月戊子陽陵園寢殿災凡災發于先陵此太子將

廢之象也若曰不當廢太子以自翦如火不當害先陵之寢也

明年上以謬言廢皇太子爲濟陰王後二年宮車晏駕中黃門



孫程等十九人起兵殿省誅賊臣立濟陰王

四年秋七月乙丑漁陽城門樓災

順帝永建三年七月丁酉茂陵園寢殿災古今註曰二年五月

藏財物盡四年河南郡縣失火燒人六畜

陽嘉元年恭陵廡災及東西幕府火古今註曰十二月河南太

尉李固以為奢僭所致陵之初造禍及枯骨規廣治之充飾又

上欲更造宮室益臺觀故火起幕府燒林木

永和元年十月丁未承福殿火厚傳是災先是爵號阿母宋娥

為山陽君后父梁商本國侯又多益商封商子莫不襲父爵別

封襄邑侯皆過差非禮

漢安元年三月甲午維陽劉漢等百九十七家為火所燒古今

火或從室屋間物中不知所從起數月乃止後四年宮車比三晏駕建和元年君位

乃定

桓帝建和六年五月癸丑北宮掖庭中德陽殿火及左掖門時

梁冀挾姦僭殺太尉杜喬是後梁太后崩梁氏誅滅

延熹四年正月辛酉南宮嘉德殿火戊子丙署火二月壬辰武

庫火五月丁卯原陵長壽門火先是皇后因賤人得幸號貴人

為后上以后母宣為長安君封其兄弟受寵隆崇又多封無功

者去年春白馬令李雲坐直諫死至此專除心尾火連作

五年正月壬午南宮丙署火四月乙丑恭北陵東闕火戊辰虎

賁掖門火五月康陵園寢火甲申中藏府承祿署火七月己未

南宮承善闕內火

六年四月辛亥康陵東署火七月甲申平陵園寢火

八年二月己酉南宮嘉德署黃龍千秋萬歲殿皆火四月甲寅

安陵園寢火閏月南宮長秋和歡殿後鈞看掖庭朔平署各火

十一月壬子德陽前殿西閣及黃門北寺火殺人袁山松書曰

是時連月有

勿異

火災通考卷二十一

火炎諸官寺或一日再三發又夜有訛言擊鼓相驚陳蕃劉志  
我上疏諫曰古之火皆居弱臣強陰之變也前姑春而獄刑  
慘故火不炎上前入春節連寒木冰暴風折樹又入九州郡並  
化錯則五星開日月蝕災為已然異為方來恐卒有變必於三  
朝唯善政可以已之願察臣前言不棄愚忠則元元幸甚書奏  
不首

九年三月癸巳京都夜有火光轉行民相驚譟袁山松書曰是  
黨事起上尋無嗣陳蕃竇武為  
曹節等所害天下無復紀綱

靈帝熹平四年五月延陵園災

光和四年閏月辛酉北宮東掖庭永巷署災陳蕃諫云楚女悲

女怨之所致也

五年五月庚申德陽前殿西北八門內永樂太后宮署火

中平二年二月己酉南宮雲臺災庚戌樂城門南宮及北

闕道西燒嘉德和歡殿案雲臺之災自上扶棟顯數百同時並

然若就縣華燈其曰燒盡延及白虎威典門尚書符節蘭臺夫

雲臺者乃周家之所造也圖書術籍珍玩寶怪皆所藏在也京

房易傳曰君不思道厥妖火燒宮是時黃巾作慝七州二十八

郡同時俱發百姓死傷過半靈帝虛侈滋甚官非其人政以賄

成天戒若曰放賢賞淫何以舊典為故焚其臺門秘府也其後

三年靈帝暴崩繼以董卓之亂火三日不絕京都丘墟

獻帝初平元年八月霸橋災其後三年董卓見殺

魏明帝太和五年五月清商殿災初帝為平原王納河南虞氏

為妃及即位不以為后更立典虞車工卒毛嘉女為后后本側

微非所宜升以妾為妻之罰也

青龍元年六月洛陽宮鞠室災

二年四月崇華殿災延于南閣繕復之至三年七月此殿又災

帝問高堂隆此何咎也於禮寧有所禳之義乎對曰夫災變之

發皆所以明教誡也惟率禮修德可以勝之易傳曰上不儉下

物異

不節孽火燒其室又曰君高其臺天火爲災此人君苟飾宮室不知百姓空竭故天應之以旱火從高殿起也按舊占曰災火之發皆以臺榭宮室爲誠今宜罷散作役務從節約清掃所災之處不敢於此有所營造蕙甫上所甲反下音甫嘉禾必生此地以報陛下虔恭之德帝不從遂復崇華殿改曰九龍以郡國前後言龍見者九故以爲名多棄法度疲衆逞欲以妾爲妻之應也

吳孫亮建興元年十二月武昌端陽又災內殿門者號令所出殿者聽政之所時諸葛恪執政矜慢放肆孫峻總禁旅險害終著恪喪衆殄人峻授政於綝綝廢亮也

太平元年二月朔建鄴火時孫綝執政矯詔殺呂據滕胤明年又殺朱異棄法律逐功臣之罰也

孫休永安五年二月城西門北樓災六年十月石頭小城火時嬖人張布專國多行無禮

孫皓建衡二年三月大火燒萬家死者七百人時皓制令詭暴棄法度誅明士後宮女謁盛行

晉武帝太康八年三月乙丑震災西閣楚王所止坊及臨商觀音愍十年四月癸丑崇賢殿災十月庚辰含章鞠室修成堂前廡今楊氏三公並在大位故天變屢見竊爲陛下憂之由是楊珧音求退是時帝納馮紆音都敢音之間廢張華之功聽楊駿之讒離衛瓘之寵此逐功臣之罰也明年宮車晏駕其後楚王承竊發之旨戮害二公身亦不免震災其坊又天意乎

惠帝元康五年閏月庚寅武庫火張華疑有亂先命固守然後救火是以累代異寶王莽頭孔子履其逆漢高祖斷白蛇劍及二百萬人器械一時蕩盡是後愍懷見殺太子之罰也天戒若曰豕嗣將傾社稷將泯禁兵無所復施皇族又將誰衛帝后不

悟終喪四海八年十一月高原陵火時賈后凶恣賈謐專朝惡罪宜見誅絕之應

永興二年七月甲午尚書諸曹火起延崇禮閣及閣道夫百揆王化之本王者棄法律之應也後清河王暉入嗣不終於位又殺太子之罰也

孝懷帝永嘉四年十一月襄陽火燒死者三千餘人是時王如自號大將軍司雍二州牧衆四五萬攻略郡縣此下陵上陽失其節之應也

元帝大興中王敦鎮武昌武昌災火起與衆救之於此而發於彼東西南北數十處俱應數日不絕舊說所謂濫炎妄動雖與師衆不能救之之謂也于寶以爲此臣而君行亢陽失節是爲王敦陵上有無君之心故災也

永昌二年正月癸巳京都大火三月燒安東光安陵三縣火燒

七千餘家死者萬五千人

明帝太寧元年正月京都火是時王敦威侮朝廷多行無禮內外臣下咸懷怨毒極陰生陽也

成帝咸和二年五月京師火

康帝建元元年七月庚申吳郡火

穆帝永和五年六月震災石季龍大武殿及兩廟端門震災月餘乃滅金石皆盡其後季龍死大亂遂滅亡海西公太和中郗愔爲會稽太守六月大旱災火燒數千家延及山陰倉米數百萬斛炎煙蔽天不可撲滅此亦桓温強盛將廢海西極陰生陽之應也

孝武帝寧康元年三月京都風火大起是時桓温入朝志在陵上少主踐位人懷憂恐此與太寧火事同

太元十年正月國子學生因風放火焚房百餘間是後考課不

物異

文獻通考卷三百九十八

十一 崇禎三年重刊

厲賞黜無章蓋有育才之名而無收賢之實此不哲之罰先也

十三年十二月乙未延賢堂災是月景申螽斯則百堂及客館

驃騎府廬皆火于時朝多弊政衰陵日兆不哲之罰皆有象類

主相不悟終至亂亡會稽王道子寵幸尼及姑武醜反及母各樹

用其親戚乃至出入宮掖禮見人主天戒若曰登延賢堂及客

館者多非其人故災之也又孝武帝更不立皇后寵幸微賤張

夫人夫人驕妬皇子不繁乖螽斯則百之道故災其殿焉道子

復賞賜不節故府庫被災斯亦其罰也

安帝隆安二年三月龍舟二乘災是水沴火也其後桓玄篡位

帝乃播越天戒若曰王者流遷不復御龍舟故災之耳

元興元年八月庚子尚書下舍曹火時桓玄逢錄尚書故天火

示不復居也

三年盧循攻略廣州刺史吳隱之閉城固守其十日壬戌夜火

起時百姓避寇盈滿城內隱之懼有應賊者但務嚴兵不先救

火由是府舍焚蕩燒死者萬餘人因遂散潰悉為賊擒

義熙四年七月丁酉尚書殿中吏部曹火

九年京都大火燒數千家

十一年京都所在大行火災吳界尤甚火防甚峻猶自不絕王

弘時為吳郡晝在聽事見天上有一赤物下狀如信幡遙集路

南人家屋上火即大發弘知天為之災故不罪火主此帝室衰

微之應也

宋文帝元嘉五年正月戊子都下大火

七年十二月都下火延燒大社北墻

二十九年三月壬午都下火

齊東昏侯永元二年七月甲申宮內火惟東閣內明帝舊殿數

區及太極殿以南得存餘皆蕩盡

物異

宋文帝元嘉五年正月戊子都下大火

三

梁武帝天監元年五月有盜入南北掖燒神武門總章觀時帝初即位而火燒觀闕不祥之甚既而太子薨皇孫不得立及帝暮年惑於朱异之口果有侯景之亂宮室多被焚燒天誠所以先見也

普通二年五月琬琰殿火延燒後宮三千餘間

中大通元年朱雀航華表災明年同泰寺災大同三年朱雀門災水沴火也時帝崇尚佛道宗廟牲捨皆以麵代之又數詣寺捨身為奴王公以下贖之天變數見而不悟後卒以亡

陳武帝永定三年重雲殿災

東魏天平二年十一月閭闔門災是時齊神武作宰而大野拔斬樊子鵠以州來降神武聽讒而殺之司空元暉免逐功臣大臣之罰也

武定五年八月廣宗郡火燒數千家

後齊後主天統三年九龍殿災延燒西廊四年昭陽宣光瑤華三殿災延燒龍舟是時讒言任用正士道消祖孝徵作歌謠斛律明月以誅死讒夫昌邪勝正之應也京房易傳曰君不思想厥妖火燒宮

隋開皇十四年將祠太山令使者致石象神祠之所未至數里野火竄起燒像碎如小塊時帝頗信讒言猜阻骨肉滕王瓚失志而死創業功臣多被夷滅故天見變而帝不悟其後太子勇竟被廢戮

大業十二年顯陽門災舊名廣陽則帝之姓名國門之崇顯號令之所由出也時帝恣驕奢荒怠信讒害忠天意若曰害廣陽也

唐貞觀四年正月癸巳武德殿北院火

二十三年三月甲午庫火

永徽五年十二月乙巳尚書司勳庫火

顯慶元年九月戊辰恩州吉州火焚倉廩甲仗民居二百餘家十一月己巳饒州火

證聖元年正月丙申夜明堂火武太后欲避正殿徽樂宰相姚璿以爲火因人非天災也不宜貶損后乃御端門觀酺引建章故事復作明堂以厭之是歲內庫災燔二百餘區

萬歲登封元年三月壬寅撫州火

久視元年八月壬子平州火燔千餘家

景龍四年二月東都凌空觀災

開元五年十一月乙卯定陵寢殿火是歲洪州潭州災延燒州署州人見有物赤而暈暈飛來旋即火發

十五年七月甲戌興教門樓柱災是年衡州災延燒三百餘家州人見有物大如甕赤如燭籠所至火即發

十八年二月丙寅大雨雪俄而雷震左飛龍廡災占曰天火烧廡兵大起 十月乙丑東都宮佛光寺火

天寶二年六月東都應天門觀災延燒左右延福門經日不滅京房易傳曰君不思想天火烧其宮室

九載三月華岳廟災時帝將封西嶽以廟災乃止十載八月丙辰武庫災燔兵器四十餘萬武庫甲兵之本也

寶應元年十二月己酉太府左藏庫火

廣德元年十二月辛卯夜鄂州大風火發江中焚舟三十艘延及岸上民居二千餘家死者數千人

大曆十年二月莊嚴寺浮圖災初有疾風震電俄而火從浮圖中出

貞元元年江陵度支院火焚江東租賦百餘萬

十三年正月東都尚書省火

十九年四月家令寺火

未貞二年七月洪州火燔民舍萬七千家

元和七年六月鎮州甲仗庫災主吏坐死者百餘人

八年江陵大火

十一年十一月甲戌元陵火李師道起宮室於鄆州將謀亂既

成而火

太和二年十一月甲辰禁中昭德寺火延至宣政東垣及門下

省宮人死者數百人

三年十月癸丑仗內火

四年三月陳州許州火燒萬餘家 十月浙西火

八年三月揚州火皆燔民舍千區五月己巳飛龍駒中廡火十

月揚州市火燔民舍數千區十二月禁中昭成寺火

開成二年六月徐州火延燒居民三百餘家

四年十二月乙卯乾陵火丁丑晦揚州市火燔民舍數千家

會昌元年五月潞州市火

三年六月西內神龍寺萬年縣東市火焚廬舍甚眾

六年八月葬武宗辛未靈駕次三原縣夜大風行官幔城火

乾符四年十月東都聖善寺火

大順二年六月乙酉幽州市樓災延及數百步七月癸丑甲夜

汴州相國寺佛殿災是日暮微雨震雷或見有赤塊轉門譙藤

網中周而火作頃之赤塊北飛轉佛閣藤網中亦周而火作既

而大雨暴至平地水深數丈火亦甚延及民居三日不滅

後唐天成四年十一月汝州火燒羽林軍營五百餘間先是司

或入羽林請京師

長興二年四月汴州封禪寺門上忽有火起延燒近寺廬舍相

次黎陽縣亦火



晉天福三年十一月襄州奏火焚居民千餘家

周顯德五年四月吳越王錢弘俶奏十日夜杭州大焚燒府署殆盡上命中使齎詔恤問

宋建隆元年宿州火燔民舍萬餘區

二年三月內酒肆火燔舍百八十區酒工死者三十餘人

三年正月滑州甲仗庫火燔儀門及軍資庫一百九十區兵器

錢帛並盡開封府通許鎮民家火燔廬舍二百四十餘區二

月安州牙吏施延業家火燔民舍并顯義軍營共六百餘區

五月京師相國寺火燔舍百餘區海州火燔數百家死者十八人

乾道四年二月岳州衙署廩庫火燔市肆民舍殆盡官吏踰城僅免

三年陳州火燔民舍數千區潭州火燔民舍五百區踰月民死

者三十六人是春諸州言火者甚衆八月衡州火燔公署倉庫民舍僅千餘區

五年京師建隆觀火

開寶二年八月辰州麻火及燔軍資庫

五年七月忠州麻火倉庫殆盡

七年九月亳州永城縣火燔民舍一千八十餘區

八年四月洋州火燔州麻民舍千七百區亳州永城縣火燔軍

營民舍千九百八十區死者九百餘人

太平興國七年八月益州西倉災

九年五月丁丑乾元文明二殿災初夕陰雲雷震火起月華門翊日辰巳方止

雍熙二年九月庚戌夜楚王元佐宮火燔舍數百區王自是以疾廢于家

端拱元年二月雲安軍威棹營火

二年三月衛州火燔州縣官舍倉庫軍營二百餘區又崇賢坊有烏銜火燔數十處七日不滅

淳化三年十月蔡州懷愛軍營火燔汝河橋民居官舍三千餘區死者數人十二月建安軍城西火燔民舍官廨等殆盡

四年二月永州保安津舍火飛燄過江燒州門及民屋三百餘家

咸平二年四月池州倉火燔米八萬七千斛

景德元年正月平虜軍營火焚居民廬舍甚衆

四年十一月郢州火倉庫並盡

大中祥符元年正月桂州甲仗庫災

二年四月昇州火燔軍營民舍殆盡

七年雄州甲仗庫火

八年二月甲寅宗正寺火 四月壬申夜榮王元儼宮火自三

鼓北風甚癸酉亭午乃止延燔承天祥符門內藏左藏庫朝元

門崇文院秘閣天書法物內香藥庫

九年五月甲子左天廡坊草場火

天禧二年二月戊寅北宅蔡州團練使德雍院火延燔數百區

三年春京師多火六月永州軍營火延民舍數百區

天聖七年六月丁未王清昭應宮災初太中祥符元年詔建宮

以藏天書七年宮始成凡三千六百一十楹至是火發夜中大

雷雨至曉而盡

明道元年八月壬戌脩文德殿成是夜中火延燔崇德長春滋

福會慶延慶崇徽天和承明八殿

景祐三年七月庚子太平興國寺大起閣中延燔開先殿及寺

舍數百楹是夕大雨電

寶元三年六月丁丑益州火焚民廬舍三千餘區

康定元年六月乙未南京鴻慶宮神御殿火

慶曆三年十一月丙寅上清宮火

八年正月壬午江寧府火初李景在江南大建宮室府事其制多倣帝室至是一夕而焚惟存一廳乃玉燭殿也

至和二年并州太宗神御殿火

嘉祐三年正月温州火燔屋萬四千間死者五十人

治平四年十二月壬子夜睦親宮火焚九百餘間甲寅廣親宮又火

熙寧六年二月丙申永昌陵上宮火燔東神門

七年九月壬子三司火自己至戌焚屋千八十楹案牘殆盡

十年正月仙韶院火徹屋二百五十楹三月丙子開封府火

元豐元年八月邕州火焚官舍千三百四十六區諸軍衣萬餘

襲穀帛軍器百五十萬

四年六月衡州火燒官舍民居七千二百楹欽州大雷震火焚城屋

五年二月洞真宮火

八年二月辛巳開寶寺火時寓禮部貢院於寺點檢試卷官程

曼陳方馬希孟焚死吏卒死者十四人

元祐元年三月宗室宮院火

六年十二月開封府火

紹聖三年三月初七日尚書省火尋撲滅止諭執政禁中屢火方醮禳已罷春宴仍不御垂拱殿三日

四年七月甲子禁中火

元符元年四月宗室宮院火

建中靖國元年六月壬寅集禧觀火大雨中久而後滅

崇寧二年六月太一宮火

三年三月辛丑大內火

政和三年四月蘇州火延燒公私屋一百七十餘間五月辛

丑京師大盛倉火是歲成都府大慈寺温州純州皆火

八年九月掖庭大火自甲夜達曉大雨如傾火益熾凡燬五千

餘間後苑廣聖宮及宮人所居幾盡焚死者甚衆

靖康元年十二月丙子夜尚書省火延燒禮祠工刑吏部拆尚

書省牌擲火中襍之乃息

二年三月戊戌天漢橋火焚百餘家頃之都亭驛火已酉保

康門火

紹興元年十月乙酉行在越州大火民多露處今何司賑緡粟

十二月辛未越州再火吏部文書多焚乙酉降旨以躡錢塘

二年正月丁巳宣州大火燔城中民舍幾盡五月庚辰行在

臨安府大火頃刻跨山亘六七里燔民舍一萬數千家十二月

月甲午行都大火燔吏刑工部御史臺官府民廬軍壘盡乙未

旦乃熄銓選文書無存者令戶部發

三年九月庚申行都關門外民廬火燔者甚廣令戶部發廩以賑

四年正月戊寅行都火燔闔民廬數千家

六年二月行都屢火通燔千餘家謂沿流州縣幾執姦十二

月行都大火燔民廬萬餘家人有灼死者時上以劉豫入寇

親征都民之暴露者多凍死令留守秦檜發

七年二月丁酉太平州大火州治宣撫司及官舍民廬帑藏文

書皆盡民之死於火者甚衆錄事參軍呂應中死其職當塗縣

丞李致虐亦死焉

九年二月己卯行都火七月壬寅復火

十年十月行都火燔民廬官舍延及省部十一月丁巳温州

大火燔州學醮征船等務永嘉縣治及民廬千餘家

十一年七月婺州大火郡郡獄倉場務寺觀甚廣民廬幾毀其

半 九月甲寅建康府火燔府治三千餘區民廬三千餘家

十二年三月丙申行都火 二月辛巳鎮江府火燔倉米數萬

石芻六萬東民居之焚者尤衆是月太平池州及蕪湖縣火皆

燔民廬 四月庚辰行都火 九月甲子行都民居火經之漸

近 太室而滅乙丑今有司徹火道周廟垣二十步

十七年十二月辛亥靜江府火燔民舍甚衆

二十年正月壬午行都火燔吏部文書皆盡

二十六年潭州南嶽廟火即請復作斷令有司給以經費

二十九年四月鎮江府火焚軍壘民廬今有司予財賑粟

乾道元年春德安府應城縣廐驛火

二年冬真州六合縣武鋒軍壘火十二月婺州火自是火患不

息人火之也

九年九月台州火經夕至于翌日晝漏半燔郡獄縣治醮務及

民廬七千餘家

淳熙元年十二月丁巳泉州火燔城樓民舍五十餘家今有司賑恤

二年六月戊午潭州南嶽廟火今有司給錢萬五千緡粟三千斛改作 八月嚴

州火今守臣恤之 十一月癸亥麗正門內東廡災是歲瀘州火上郡

三年九月大內射殿災延及東宮門

四年十一月辛酉鄂州南市火暴風通夕燔民舍千餘家今漕臣賑

五年四月庚寅興州沙市火燔民舍三百四十餘家人有焚死

者十一日和州救營火燔一百六十區禁旅番上者居之也

七年二月江陵京沙市大火燔民舍數千家江艦焚溺不可勝

數

計灼死者甚衆 其溢干 外貫也 八月温州試丁酉火作于貢闈 上今籍元卷 姓名再試防

八年正月揚州火

九年九月合州大火燔民居幾盡官舍僅有存者

十二年八月温州火燔城樓居民廬四百餘家 十月鄂州大

火燔民居萬餘家江風暴作結廬于隄泊艦于岸者焚溺無遺

令守臣恤之且 止民毋隄居

十四年五月大内武庫火戎器不害 六月庚寅行都寶蓮山

民居火延七百餘家抹焚將校有死者 令守臣以 緡粟賑之 五月成都

府市火燔民舍萬家 令守臣 賑恤之

十六年九月南劍州大火民居存者無幾

紹熙元年八月壬寅慶州火延州市及民舍數百家

二年四月行都傳法寺火延及民廬言者以戚里土木為孽火

數起之應時 中宮建廟第都民之應徙者多 是月徽州大

火自庚子至于壬寅夜燔州治譙樓官舍郡獄緡帑庫務凡十

九所五百二十餘區延戶廬一千五百家 令部使者 賑之粟 五月已

巳金州火燔州治官舍帑藏保勝軍器庫城内外民舍甚廣 令 總

饑及常平 使者賑之

三年正月已巳行都火通夕至于庚午闔闔焚者半十一月又

火燔民居五百餘家 十二月甲辰鄂州火至于乙巳燔民居

八百家市井樓帘無存者

慶元二年八月已酉永州州市火燔民廬三百家 皆令守臣 賑恤之

三年五月甲申金州都統司中軍壘舍火焚一千三百餘區閏

六月乙酉又火燔二十餘區 令于緡錢 營其壘

六年八月戊戌徽州火燔民舍八百餘家延郡獄官舍甚廣 令 守

臣賑 恤之

火燔民舍八百餘家

崇禎三年重刊

嘉泰元年三月戊寅行都大火至于四月辛巳燔御史臺司農寺將作軍器監進奏文思御輦院太史局軍頭皇城司法物庫御厨班直諸軍壘及民居五萬八千九十七家城內外亘十餘里灼死之可知者五十有九人而踐死者不可計都城九燬其七時百官皆僦以居是夕火作於寶蓮山御史臺晉揚浩居舍黥萬安軍諫議大夫程松請戮浩以謝都民再疏始自是都民譌自相驚亡賴因以縱火為姦利王午上食下哀痛之詔內出帑錢一十六萬三千五百降次既七十餘緡粟六萬五千一百九十餘石賑焚室

三年正月丁酉襄陽府火作而風暴僅燔民舍六十家選鋒軍直死于救焚師漕臣上校于友其功贈二秩官其二子 十一月甲午福州火民舍之焚者四百餘家

四年三月丁卯行都大火燔尚書省中書省樞密院六部右丞相府制勅糧料院親兵營修內司延及學士院內酒庫內宮門廡夜召禁旅入撲 太室撤廟廡 神主移御 壽慈宮冊寶

隨之戊辰旦火及和寧門端禁卒張隆飛梯斧鴟門以下不火是夕火分數道燎民廬三千七十餘家謂出內帑緡錢神主回御太室時省部皆寓治驛寺壬申上避路朝下罪已詔六月盱眙軍天長縣禁旅戍壘火錯械為盡 八月壬辰鄂州外南市火燔民舍五百餘家

開禧二年二月癸丑壽宮火乙卯上四月壬子行都火燔民居數百家謂出封椿緡錢豐儲倉粟以賑

嘉定二年八月己巳信州火燔民廬二百家 九月丁酉吉州火燔五百餘家 是歲瀘州火延及民廬一千餘家皆令郡四年閏二月己卯紹興府嵒縣浦橋火燔百餘家 三月滁州火燔民居甚廣皆令各郡十月撫州火辛卯福州一夕再火燔城門僧寺民廬千餘家死者數人

五年五月己未和州火燔民廬二千家

勿異

一宋史卷三百七十八

三

八年八月辛丑湖州火燔寺觀及民廬三百家

九年七月甲戌南劍州沙縣火燔縣門官舍及民廬一千一百

餘家有死者令各郡賑恤之

十一年二月行都火燔民居數百家 九月己巳禁垣外萬松

嶺民舍火延及四百八十餘家令出緡粟賑之

十二年二月庚寅安豐軍故步鎮火燔民廬千餘家死傷於焚

者五十餘人令部守賑恤之 八月庚午慶元府火燔官舍民廬第宅

寺觀甚眾詔縣焚室而弛其年租賦 十一月壬子行都火燔城內民廬數

萬家禁壘百二十區賑軍民緡粟不令臨安府帥臣安集焚徒若且弛財葦之征

十七年四月丁卯西和州焚軍壘及繞城民廬二千餘家人火

之也守臣尚震午間虜焚之而遺虜實不至 六月丁亥嶽州火燔嶽陽樓郡嶽

密庫及民居八十家己丑又火燔百餘家

火異

周武王伐紂師渡孟津既濟有火自上復于下至于王屋流為

烏其色赤其聲魄云註見羽蟲之異

威烈王三年冬十一月晉有火下于北方有聲如鼓

漢成帝河平四年六月山陽火生石中改元為陽朔朔始也以火生石中

言陽氣之始

後漢桓帝延熹九年三月癸巳京師有火光轉行人相驚譟

晉惠帝永康元年帝納后羊氏將入宮衣中忽有火象成恠之

後后竟坐廢

光熙元年五月范陽國地然可以爨

穆帝升平元年涼州城東池中有火 姑臧澤水中有火

石虎時石燃于泰山八日而滅 符堅時關中土燃無火而

煙氣大起方數十里中月餘不滅

齊武帝永明十一年先是魏地謠言赤火南流喪南國是歲有

勿異

文獻通考卷之三十七

三三 崇禎三年重刊



沙門從北齋此火至火赤於常火而微云以療疾貴賤爭取之多得其驗二十餘日都下大盛感云聖火詔禁之不止火灸至七炷而疾愈吳興立國賓密以還鄉邑人楊道慶虛疾二十年依法灸即差

唐貞觀十三年三月壬寅雲陽石然方丈晝則如灰夜則有光投草木則焚歷年乃止火失其性而沴金也 幽州坊谷地常有火

長慶三年夏遂積水爲池近水沴火也

宋開寶七年六月棣州有火自空墜于城北有物如龍謂見龍蛇之異端拱元年瀘州鹽井竭遣工入視忽有聲如雷火焰突出工被傷

紹興三十二年建昌軍新城縣有巨室篋中時有火光燔衣帛過半而篋不焚近孽火也

### 赤青赤祥

左氏傳魯襄公時宋有生女子赤而毛棄之隄下宋平公母其姬之御者見而收之因名曰棄長而美好納之平公生子曰佐後宋臣伊戾讒太子座而殺之先是大夫華元出奔晉華弱奔魯華臣奔陳華合比奔衛劉向以爲時則火災赤青之明應也京房易傳曰尊卑不別厥妖女生赤毛

漢惠帝二年天雨血於宜陽一頃所劉向以爲赤青也時諸呂用事讒口妄行教三皇子高帝子建立非嗣立後宮子及呂太后崩大臣共誅滅諸呂僵尸流血京房易傳曰歸獄不解茲謂追非厥咎天雨血茲謂不親民有怨心不出三年無其宗人又曰佞人祿功臣僂天雨血

武帝建元四年有風赤如血

哀帝建平四年四月山陽湖陵雨血廣三尺長五尺大者如錢

小者如麻子後二年帝崩王莽擅朝誅貴戚丁傅大臣董賢等皆放徙遠方與諸呂同象誅死者少雨血亦少

王莽始建國四年夏赤氣出東南竟天

後漢和帝建和三年秋七月北地廉雨肉似羊肋肋也或大如手近赤祥也時梁太后攝政兄冀專權枉殺李固杜喬等天下

冤之其後梁氏誅滅  
魏公孫淵時襄平北市生肉長圍各數尺有頭目口喙無手足而動搖此赤祥也占曰有形不成有體不聲其國滅亡淵尋為魏所誅

吳成將鄧喜殺猪祠神治畢懸之忽見一人頭往食肉喜引弓射中之咋咋助陌反作聲統屋三日近赤祥也後人白喜謀北叛閭室受誅京房易妖曰山見葆江于邑邑有兵狀如人頭赤色

晉武帝太康五年四月壬子魯國池水變赤如血七年十月河

陰有赤雪三頃此赤祥也是後四載而帝崩王室遂亂

惠帝元康五年三月呂縣有流血東西百餘步此赤祥也至元康末窮凶極亂僵尸流血之應也于寶以為後八載而封雲亂

徐州殺傷數萬人是其應也

宋康元年三月尉氏雨血夫政刑舒緩則有常煥赤祥之妖此

歲正月送愍懷太子幽于許宮天戒若曰不宜緩恣姦人將使

太子冤死惠帝愚眊不寤是日愍懷遂斃於是王室成釁禍流

天下淖奴効齒殺齊潘眉王曰天雨血霑衣天以告也此之謂乎京房易傳曰歸獄不解茲謂追非厥咎天雨血茲謂不親

下有怨心不出三年亡其宗人又曰佞人祿功臣戮天雨血也

宋寧二年十一月壬寅夜赤氣竟天隱隱有赤

宋興二年十月赤氣見于北方東西竟天

愍帝建興元年河東雨血

劉聰僞建興元年雨血於東宮延明殿衛死在地者深五寸

又雨血平陽廣袤十里平陽地震其崇明親陷為池水赤如

血赤氣至天有赤龍奮迅而步流星起於牽牛入紫微龍形

委蛇其光照地落于平陽北十里視之則肉臭聞于平陽長

三十步廣二十七步肉傍常有哭聲晝夜不止數日聰后劉

氏產一蛇一獸各害人而走尋之不得頃之見於墮肉之傍

時聰納劉殷二女為后逆骨肉之綱亂人倫之則墮肉諸妖

其青亦大俄而劉氏死哭聲自絕石虎末雨血周遍鄴城

梁武帝天監十五年七月荆州市殺人而身不僵首墮于地動

口張目血如竹箭直上丈餘然後如雨細下是歲荆州大旱近

赤祥冤氣之唯

陳宣帝大建十四年正月御坐幄下見一物如車輪色正赤尋

而帝患無故大叫數聲而崩

後主至德二年十二月有赤物墮于太極殿前初下鍾皆鳴又

嘗進白飲忽變為血又有血霑殿階瀝瀝然至御榻俄而國亡

後齊河清二年太原雨血劉向曰血者陰之精傷害之象僵屍

之類明年周師與突厥入并州大戰城西伏尸百餘里京房易

飛候曰天雨血染衣國亡君戮亦後主亡國之應

四年有物墮於殿庭色赤形如赤漆鼓帶小鈴衆星隨者如小

金四月婁太后崩武平中有血點地自咸陽王斛律明月宅

而至于太廟天戒若曰明明月則宗廟隨而覆矣後主不悟國

作竟絕

隋煬帝大業十三年上徙居丹陽將遷居江左有石自江浮入

于揚子日光四散如血上世惡之次年遇弑

唐武德七年河間王孝恭征輔公祐宴群師于舟中孝恭以金

益前江水將飲之則化為血孝恭曰筮中之血公祐授首之祥  
武德初突厥國中雨血三日光宅初宗室岐州刺史崇真之  
子橫杭等夜宴忽有氣如血腥武后時來俊臣家井水變赤  
如血井中夜有吁嗟噴宛聲俊臣以木棧之木忽自投十步外  
長安中井水晉祠水赤如血中宗時成王千里家有血點地  
及奩箱上有血淋漓腥聞數步又中郎將東夷人毛婆羅炊飯  
一夕化為血

景龍二年七月癸巳赤氣際天光燭地三日乃止赤氣血祥也  
天寶六載少陵原楊慎矜父墓封域內草木皆流血慎矜令澤  
屠史敬思禳之退朝裸而桎梏於叢棘間如是數旬而流血不  
止  
十二載李林甫第東北隅每夜火先起或有如小兒持火出入  
者近赤祥也

天寶十三載汝南葉縣南有土塊闕中有血出數日不止

寶應元年八月庚午夜有赤光亘天貫紫微漸移東北彌漫半  
天

大曆十三年二月大僕寺有泥像左臂上有黑汗滴下以紙承  
之血也

貞元二年十一月壬午日沒有赤氣五出平黑雲中亘天

十二年九月癸卯夜有赤氣如火見北方上至北斗

十七年福州劍池水赤如血

二十一年正月甲戌雨赤雪于京師

元和十四年二月鄆州從事院門前地有血方天餘色甚鮮赤  
不知所從來以為自空而墮也

長慶元年七月戊午河水赤三日止

寶曆元年十二月乙酉夜西北有霧起須臾遍天霧止有赤氣

或淺或深久而乃散

大和元年四月庚戌北方有赤氣中有數白氣聞之 六月乙

卯夜西北有赤氣八月癸卯京師見赤氣滿天

二年閏三月乙卯北方有赤氣如血

咸通七年鄭州永福湖水赤如凝血者三日

乾符六年中書政事堂忽旦有死人血汚滿地不知主名又御

開水赤色而腥渫之得一死女子腐爛近赤祥也

中和二年七月丙午夜西北方赤氣如絳際天

光啓元年正月潤州江水赤凡數日

東熙寧二年十一月每夕有赤氣見西北隅如火至人定乃滅

元祐三年七月丁卯夜東北方明如晝俄成赤氣內有白氣經

中清國元年正月朔夕有赤氣起東北彌亘西方久之平出

白氣二及赤氣將散復有黑氣在其傍

靖康元年九月戊寅有赤氣隨日出

建炎元年八月庚午東北方有赤氣占曰血祥是歲金虜再犯

京師遂南牧兵禍擊結流血之象也

四年五月洞庭湖夜赤光見東北亘天如大明照湖心上下二

色俄轉東南此血祥也後虜兵犯湘沔又鍾相孔彥舟曹火星

劉超彭筠楊么巨盜相繼荼毒一造即其驗也

紹興七年正月乙酉北方有赤氣達旦辛卯東北有赤氣如火

在牛斗間十一月癸卯南方有赤氣東西北皆赤雲自日入至

于甲夜皆赤祥也

八年九月甲申赤氣出紫微垣

十八年八月丁亥九月甲寅皆有赤氣如火景

二十年十一月建昌軍新城縣永安村風雪大作夜半若數日

物異

文選通鑑卷之三十九

天

千人行聲語笑歌哭雜擾逐而凝寒陰黑咫尺莫辨窺之無所睹明旦雪深有人畜鳥獸跡流血汗染十餘里入山乃絕近血妖亦赤祥也

二十七年三月乙酉赤氣出紫微垣七月壬申赤氣隨日入三十年二月壬申皆有赤氣如火景

三十二年春淮水溢中有赤氣如凝血先是金虜酋完顏亮入寇駐揚州爲其下所弑至是始遁淮水凝血逆氣之應也鄭景純曰血水類同屬於坎後連歲旱亦其驗也

隆興二年十一月庚寅日入後赤雲隨之

乾道元年八月壬午赤氣中天白日入至于甲夜

六年十月庚午赤氣隨日出十一月丁丑赤雲隨日入至于

七年七月壬寅十月己未

八年十月乙巳丙午

淳熙三年八月丁酉戊戌皆有赤氣隨日入出

十三年行都民舍有血自地中出濺屋梁汗人衣近赤祥也

十四年十一月癸丑甲寅有赤氣隨日入出

紹熙三年春潼川路久旱日月星皆帶赤氣

四年十一月甲戌赤雲夜見白雲間之近赤白祥也

慶元六年十月赤氣夜發橫天

嘉泰四年二月庚申夜有赤雲間以白氣東北亘天後八日國

有大火言者以爲火祥

嘉定六年十月乙卯赤氣隨日出十一月辛卯赤氣隨日入

嘉禾六年十一月乙卯赤雲出十一日辛卯赤雲出日入  
嘉禾四年二月庚申赤雲出日入  
嘉禾六年十月赤雲出日入  
四年十一月甲子赤雲出日入  
嘉禾三年春童川胡父旱日見赤雲  
十四年十一月癸丑甲寅赤雲出日入  
十三年十月丙寅赤雲出日入  
嘉禾三年八月丁酉赤雲出日入  
八年十月乙酉赤雲出日入

文獻通考卷之二百九十九

宋鄱陽 馬 端臨 貴與 著

明蘄陽 馮 天馭 應房 校刊

物異考 木異 華孽

殷大戊亳有祥桑穀共生三木合傳曰俱生于朝七日而大拱

兩手合伊陟戒以修德而木枯劉向以為桑猶喪也穀猶生也

為拱殺生之柄失而在下近草妖一曰野木生朝而暴長小人將暴

在大臣之位危亡國家象朝將虛之應也

周考王十二年冬晉桃杏實

春秋魯僖公三十三年十二月李梅實詳見草異門

顯王元年冬冬桃華于秦

漢惠帝五年冬桃李華棗實

呂后元年秋桃李華

勿異 水異 文獻通考卷二百九十九 崇禎四年重刊

文帝六年冬十月桃李華

昭帝時上林苑中大柳樹斷仆地一朝起立生枝葉有蟲食其葉成文字曰公孫病已立昌邑王國社有枯樹復生枝葉畦孟以爲木陰類下民象當有故廢之家公孫氏從民間受命爲天子者昭帝富於春秋霍光秉政以孟妖言誅之後昭帝崩無子徵昌邑王賀嗣位狂亂失道光廢之更立衛太子之孫是爲宣帝宣帝本名病已京房易傳曰枯楊生梯師古曰大過九二爻辭也梯楊秀之始生者音徒枯木復生人君亡子

元帝初元四年皇后曾祖父濟南東平陵王伯墓門梓柱卒生枝葉上出屋孟康曰王伯葬之祖也師古曰葬高祖文也故下云高祖考卒讀曰梓梓暴也劉向以爲王氏貴盛將代漢家之象也後王莽篡位自說之曰初元四年莽生之歲也當漢九世火德之厄而有此祥興於高祖考之門門爲開通梓猶了言王氏當有賢子開通祖統起於柱石大臣

之位受命而王之符也

建昭五年兗州刺史浩賞禁民私所自立社張晏曰民間三月九月義社號曰私社臣贊曰舊制二十五家爲一社山陽師古曰山陽郡大槐樹師古曰山陽郡吏伐斷之其夜樹復立其

故處

成帝永始元年二月河南街郵樓樹生支如人頭師古曰郵謂行書之舍樓

建始四年秋桃李實

哀帝建平三年十月汝南西平遂陽鄉柱仆地生枝如人形師古曰

易傳曰王德衰下人將起則有木生爲人狀

建平三年正月零陵有樹僵地師古曰僵也音疆圍大六尺長十丈七

尺民斷其本長九尺餘枯三月樹卒自立故處師古曰卒京房

具勿

崇禎三年重刊



師古曰屬連續也音之欲反天辟惡之如

曰天辟謂天子也師古曰辟音璧

後漢安帝元初三年東平陸上言木連理

於有實故書見于其處自安帝以下王道衰缺容或虛飾故書其處上言也

延光三年潁川言木連理

桓帝建和二年河東言木連理

延熹九年雒陽城局竹栢葉有傷者占曰天子凶

靈帝熹平三年右校別作中有兩樗樹皆高四尺所其一株宿

夕暴長長丈餘大一圍作胡人狀頭目鬚髮備具京房易傳

曰王德衰下人將起則有木生人狀臣昭以木生人狀下人將起京房之占難以證驗貌

類胡人猶未辨了董卓之亂實辨胡兵催汜之時充斥尤甚遂

五年十月壬午御所居殿後槐樹皆六七圍自拔倒樹根在上

臣昭曰槐是三公之象責之也靈帝授位不以中平中長安城

德進貪愚是升清賢斯黜槐之倒植豈以斯乎

西北六七里空樹中有人面生鬚魏志曰建安二十五年正月曹公在雒陽起建始殿伐濯

龍樹而血出又掘徙梨根傷而血出曹公惡之遂寢疾是月薨

獻帝興平元年九月桑復生椹可食臣昭曰桑重生椹誠是木異必在濟民安知非端于

時蒼生死敗周秦穢盡餓魂餒鬼不可勝言食此重椹大拯危

命雖連理附枝不能及若以為怪則建武野谷旅生麻菽尤盛

復是草妖邪

後主景耀五年宮中大樹無故自折

魏武帝建安十五年正月在洛陽起建始殿伐濯龍樹而血出

又掘徙梨根傷亦血出帝惡之遂寢疾未幾崩

魏文帝景初三年十月桃李華

吳孫亮建興元年九月桃李華

晉惠帝元康二年春巴西郡界竹生紫花結實如麥外皮青中

赤白味甘

元康九年六月庚子有桑生東宮西廂日長尺餘甲辰枯死此

與殷大戊同妖太子不能悟故至廢戮也班固稱野木生朝而暴長小人將暴居大臣之位危國亡家之象朝將為墟也是後孫秀張林用事遂至大亂

元康元年四月立皇孫臧為皇太孫五月甲子就東宮桑又生於西廂明年趙王倫篡位鳩殺臧此與愍懷同妖也是月壯武國有桑化為柏而張華遇害壯武華之封邑也

孝懷帝永嘉二年冬項縣桑樹有聲如解村人謂之桑樹哭按劉向說桑者喪也又為哭聲不祥之甚是時京師虛弱胡寇交侵東海王越無衛國之心四年冬季而南出五年春薨于此城石勒邀其衆圍而射之王公以下至衆庶者十餘萬人又剖戮棺焚其屍是敗也中原無所請命洛京亦尋覆沒桑哭之應也六年五月無錫縣有四株茱萸樹相樛居此反而生狀若連理先是郭景純筮延陵蠲於珍反字或作麗音優鼠遇臨之益曰後當復有妖

樹生若瑞而非辛螫音之木也倘有此東西數百里必有作逆

者及此木生其後徐馥果作亂亦草妖也郭又以為木不曲直

其七月豫章郡有樟諸良反樹久枯是日忽更榮茂與漢昌邑枯

社復生同占是懷愍淪陷之徵元帝中興之應也

元帝大興四年王敦在武昌鈴下儀仗生華如蓮華五六日而

萎落此木失其性干寶以為狂華生枯木又在鈴閣之間言威

儀之富榮華之盛皆如狂華之發不可久也其後敦果以逆戮

一說亦華孽也於易枯楊生華

明帝太寧元年九月會稽剡縣木生如人面是後王敦稱兵作

逆禍敗無成昔漢哀成之世並有此妖而人貌備具故其禍亦

大今此但如人面而已故兵變也輕矣

成帝咸和六年五月癸亥曲阿有柳樹枯倒六載是日忽復起

生至九年五月甲戌吳縣吳雄家有死榆樹是日因風雨起生

與漢上林斷柳起生同象初康帝爲吳王于時雖改封琅琊而猶食吳郡爲邑是帝越正體饗國之象也曲阿先亦吳地象見吳邑雄之舍又天意乎

哀帝興寧三年五月癸卯廬陵西昌修明家有僵栗樹是日忽復起生時孝武年始四歲俄而哀帝崩海西卽位未幾而廢簡文越自藩王入纂大業祭祚享國又不踰二年而孝武嗣統帝諱昌明識者竊謂西昌修明之祥帝諱實應焉是亦與漢宣帝同象也

海西太和元年涼州楊樹生松天戒若曰松者不改柯易葉楊者柔脆之木今松生於楊豈非永久之業將集危亡之地邪是時張天錫稱雄於涼州尋而降符室

孝武太元十四年六月建寧郡銅梁縣枯樹斷折忽然自立相屬京房易傳曰棄正作淫厥妖木斷自屬妃后有專木仆音反

立是時正道多僻其後張夫人專寵及帝崩光庶歸咎張氏焉安帝元興三年荆江二州界竹生實如麥

劉曜時西明木內大樹風吹折經一宿樹忽變爲人形髮長一尺須眉生三寸皆黃白色有斂手之狀亦有兩脚著裙之形惟無目鼻每夜有聲十日而生柯條遂成大樹枝葉甚茂石勒微時所居武鄉北原山上草木皆有斂騎之象家園中入參花葉甚茂悉成人狀父老及相者曰此胡狀貌奇異志度非常不可量也

宋孝武帝孝建元年芳香琴堂東西有雙橘連理改芳香堂爲連理堂

魏太武太延元年魏郡野木連理

齊後主武平五年鄴城東青桐樹有如人狀京房易傳曰王德衰下人將起則有木生爲人狀時後主怠於政事耽荒酒色大

發徭役後二歲而亡木不湛直之效

七年宮中有樹大數圍夜半無故自拔齊以木德王無故自拔亡國之應其年齊亡

周敬帝開皇八年四月幽州人家以白楊木懸竈上積十餘年忽生三條皆長三尺餘甚鮮茂仁壽二年春蓋屋人以楊木為屋梁生三條長二尺京房易傳曰死后有顯木仆反立斷枯復生獨孤后專恣之應也

仁壽元年十月蘭州楊樹上松生高三尺六節十二枝宋志曰松不改柯易葉楊者柔脆之木此永久之業將集危亡之地也是時帝惑讒言幽廢冢嫡初立晉王為皇太子天戒若曰皇太子不勝任永久之業將致危亡帝不悟及帝崩太子立是為煬帝竟以亡國

四年八月河間柳樹無故枯落既而枝葉復生京房易飛候曰

木在梁國有大喪是歲宮車昇駕

唐高祖武德四年亳州老子祠枯樹復生枝葉老子唐祖也占曰枯木復生權臣執政眚蓋以為有受命者

九年三月順天門樓東柱已傾毀而自起占曰木仆而自起國之災

貞觀十八年十月山南獻木連理交錯玲瓏有同羅木一丈之幹并枝者二十餘所

二十年正月玉華宮杏樹連理隔澗合枝

顯慶四年八月有毛桃樹生李李國姓也占曰木生異實主國殃

垂拱四年三月雨桂于台州旬餘乃止占曰天雨草木人多死

長壽二年十月萬象神宮側檉杉皆變為栢栢貫四時不改柯

易葉有士君子之操。一系脆小人性也。象小人居君子之位。延載元年九月內出梨花一枝示宰相萬不搖落而生花陰陽。贖也。傳曰天反時為災。又近常燠也。

景雲二年高祖故第有柿樹自天授中枯死至是復生。神龍二年十月陳州李有華鮮如春。

開元二十一年蓬州枯楊生李枝有實與顯慶毛桃生李同占。二十九年亳州老子祠枯樹復榮。

大曆九年晉州神山縣興唐觀枯檜復生。

興元元年春亳州真源縣有李樹植已十四年其長丈有八尺。至是枝忽上聳高六尺周迴如蓋九尺餘李國姓也。占曰木生枝聳國有寇盜是歲中書省枯柳復榮。

貞元四年正月兩木于陳留十里許大如指長寸餘中空所下立如植木生於下而自上墮者上下易位之象。碎而中空者小

人象如植自立象。

元和十一年十二月桃李華。

十五年九月己酉大雨樹無風而摧者十五六近木自拔也。占曰木自拔國將亂。

長慶二年七月幽州秦當道有李樹兩根並生相去七十連理去地二尺合為一體外分布枝葉高一丈三尺有實二百二十一顆。

三年十一月成都栗樹結實食之如李。

太和二年九月徐州滑州李有華實可食。

三年成都李樹有木瓜空中不實。

會昌三年冬沁源縣桃李華。

咸通十四年四月成都李實變為木瓜時人以為李國姓也。變者國奪於人之象。

廣明元年冬桃杏華山華皆發

二年春眉州有檀樹已枯倒一夕復生

中和二年九月太原諸山桃杏華有實

後唐同光二年三月唐州秦淮瀆廣潤王廟有兩樹東西相去

七八五寸各出地七尺五寸兩樹相向連理畫圖以進

晉開運二年十一月鄧州秦穰縣和平鄉竹合歡畫圖進之

蜀王建永平二年劍州木連理

宋太平興國六年正月温州瑞安縣民張度解木五片皆有天

下太平字

雍熙二年八月刑部尚書宋琪家牡丹生三華

淳化三年冬十月京師太平興國寺牡丹生華占曰有喪是歲

恭孝太子薨

至道二年秋九月環慶州梨生華占曰有兵明年虜寇朔方

太平元年九月河南府鞏縣柴務牡丹華

六年修昭應宮有木斷之文如點漆貫徹上下體若梵書 八

月召近臣觀龍圖閣瑞木有文成字一有北斗七星形一有佛

手形一有蛇形 十一月襄州民劉士言家生木有文如龍魚

鳳鶴之狀

七年五月撫州修天慶觀解木有文如墨畫雲氣峯巒人物衣

冠之狀 七月綿州彰明縣崇仙觀柱有文為道士形及北斗

七星象

八年晉州慶唐觀古栢中別生槐長丈餘又葛生栢中分條垂

蔓下覆

九年舒州懷寧縣民家二柳相距三尺許其枝合如一 資州

梅樹與青桐樹上合成連理 太平軍紅橋連理又黃橋附桑

枝而生 瑞聖園槐一株中分四枝上復合為一 眉州修天

慶觀江中獲巨木數百

咸平二年三月宣池歛杭越睦衢婺州箭竹生米如稻詳見穀門

慶曆六年九月甲辰登州有巨木浮海而出者三千餘

八年九月甲子潭州南嶽南臺寺瑞應峯前一夕雷雨平地涌木若龜首足且高二尺圍一丈

熙寧元年三月簡州木連理是歲英州因雷震一山梓樹盡枯而為龍腦價為之賤至京師一兩纔直錢一千四百

二年建州民獲木龍詳見龍門

十年八月乙巳惠州言抽木有文曰王帝萬天下太平

元豐元年五月劍州木連理

三年六月己未饒州長山雨木子數畝狀類山芋子味香而辛

土人以為木子又曰菩提子明道中嘗有之是歲大稔

十二月唐州泌陽縣甘棠木連理

六年五月亳州衛直縣洞霄宮枯槐生枝葉

元祐元年八月己丑杭州民俞舉慶七世同居家園木連理

五年四月德州言木連理

元符元年八月施州李木連理

二年九月眉州眉山縣橙木二株異根同榦本枝相附

崇寧四年正月汝州襄城縣李梨木連理

大觀元年二月涅州言爛木生葉 八月端州永興軍並言木

連理

二年十月乙巳兗州龔丘縣檜生花如蓮實 十二月岢嵐軍

園池生瑞木

政和二年七月玉華殿萬年枝木連理是月乙酉南雄州言楓

木連理 十月安州武義縣木根有萬宋年歲四字

四年建州言木連理

物異本集

文獻通考卷三百九

九

崇禎二年重刊

五年五月禁中芭蕉連理 六月辰州沅陵縣江漲流出楠木  
二十七條可為明堂梁柱蔡京等拜表賀 九月丙申徐州彭  
城縣栢開花 十二月辛丑真定府言元氏縣民王寘屋柱槐  
木再生枝葉約高四十餘尺 是歲邵州海棠木連理澤州台  
州槐木連理荆門軍紫微木連理

六年坊充洪明夔徐新全隰大平州並言木連理梅州枯木生  
枝

宣和二年四月永州民劉思析薪兩邊各有天下太平字

紹興十四年四月虔州民毀歇屋折柱木理有字五其文曰天  
下太平時安臣薛彌上之時土宇分裂南北塗炭不儷於事近  
木妖也或曰木之生也在先朝盛時

二十年八月福州冲虛觀皂莢木翠莢再實

二十一年池州建德縣定林寺桑生李實栗生桃實占曰木生

異實國主殃

二十五年十月贛州獻太平木如虔時秦檜擅朝喜飾太平郡  
國多上草木之妖以為瑞

二十七年四月徽州祁門縣園桃已實復華

隆興初漢陽軍有插柳枝於石罅者木無根石無土而秀茂成  
陰歲有華實先是郡獄誣服孝婦殺姑當刑祝髻上花以自明  
行刑者如其言而生此冤氣之鍾於木而木反麗土之常者也

淳熙八年興化軍仙游縣九座山古杉木末生花氣如蘭

十六年三月揚州桑生瓜櫻桃生茄此草木互為妖也 七月

晉陵縣民析薪中有木字曰紹熙五年如是者二是時紹熙新  
元猶未頒也而紹熙紀號果止五年此近木妖也

紹熙四年臨安府富陽縣粟生擒實

五年十一月辛亥行都雨木與唐志貞元陳留雨木同占木生



于下而自上墮者將有上下易位之象越月吏部侍郎彭龜年  
上疏論知閣門事韓侂胄姦萌坐絀後侂胄擅朝

嘉定六年五月己巳嚴州淳安遂安桐廬三縣大木自拔占曰  
木自拔國將亂

草異

春秋僖公三十三年十二月墮霜不殺草李梅實劉歆以為草  
妖劉向以為今十月周十二月於易五為天位君位九月陰至  
下通於天位其卦為剝剝落萬物始大殺矣明陰從陽命臣受  
君令而後殺也今十月墮霜而不能殺草此君誅不行舒緩之  
應也時公子遂專權三桓始世官其後遂殺子赤三家逐昭公  
董仲舒指畧同京房易傳曰臣有緩效謂不順厥異霜不殺也  
李梅當剝落反實近草妖先華而後實不書華舉重者也陰成  
陽事象臣顛君作威福一曰冬當殺反生象驕臣當誅不行其

罰也故冬華華者象臣邪謀有端而不成至於實則成矣一曰

君舒緩甚與氣不藏則華實復生董仲舒以為李梅實臣下強

也記曰不當華而華易大夫不當實而實易相室謂室

宰相也冬水王木相故象大臣

漢元帝永光二年八月天雨草而葉相膠結大如彈丸

平帝元始元年正月天雨草狀如永光時京房易傳曰君吝於

祿任衰賢去厥妖天雨草

後漢安帝元初三年有瓜異本共生一瓜同蒂時以為嘉瓜或

以為瓜者外延離本而實女子外屬之象也是時閭皇后初立

後閭后與外親耿寶等共譖太子廢為濟陰王更外迎濟北王

子犢立之草妖也古今註曰和帝末元七年三月江夏縣民舍

尺六寸分為五枝皆青也

中平元年夏東郡陳留濟陽長垣濟陰宛句離孤縣界日西沒

風俗通

城皇陽武有草生其莖靡曼腫大如手指狀似鳩雀龍蛇鳥獸

之形五色各如其狀毛羽頭目足翅皆具風俗通曰亦作人狀

良然也近草妖也是歲黃巾賊始起皇后兄何進異父兄

朱苗皆為將軍領兵後苗封濟陽侯進苗遂秉威權持國柄漢

遂微弱自此始焉應劭曰關東義兵先起於宋衛之郊東郡太

厥命陳留濟陰吳孫亮五鳳元年六月交阯稗草化為稻昔三苗將亡五穀

變種此草妖也其後亮廢

孫皓天璽元年吳郡臨平湖自漢末穢塞是時一夕忽開除

無草長老相傳此湖塞天下亂此湖開天下平吳尋亡而九

服為一天紀三年八月建鄴有鬼目菜生工黃狗家依緣棗

樹長丈餘莖廣四寸厚二分又有蕒菜生工吳平家高四尺

如枇杷形上圓徑一尺八寸莖廣五寸兩邊生葉綠色東觀

案圖名鬼目作芝草蕒菜作平慮遂以狗為侍芝即平為平

慮即皆銀印青綬于寶曰明年平吳王濬止船正得平諸姓

名顯然指事之徵也黃狗者吳以土運承漢故初有黃龍之

瑞及其季年而有鬼目之妖黃狗之家黃稱不改而貴賤大

殊天道精微之應也

容齋洪氏隨筆曰吳歸命侯天紀三年唐中宗景龍二年

俱有苦蕒菜生之異說者以為草妖予按蕒菜即苦蕒今

俗呼為苦蕒者是也天紀景龍之事甚相類歸命次年亡

國中宗後二年遇害雖事非此致亦可謂妖矣平慮草不

知何狀楊雄甘泉賦并問註如淳曰并問其葉隨時致致

平則平致不平則傾也顏師古曰如氏所說自是平慮耳

然則亦異草也鬼目見爾雅郭璞云今江東有鬼目草莖

似葛葉員而毛如耳瑤也赤色叢生廣志曰鬼目似梅南

人以飲酒南方草木狀曰鬼目樹大者如木子小者如鴨  
子七月八月熟色黃味酸以蜜煮之滋味柔嘉交趾諸郡  
有之交州託曰高大如木瓜而小傾邪不周正本草曰鬼  
目一名東方宿一名連蟲陸名羊蹄

晉惠帝元康二年二月巴西郡界草皆生花結子如麥可食時  
帝初即位楚王瑋矯詔誅汝南王亮及太保衛瓘帝不能察今  
非時草結實此恒煥寬舒之罰

安帝義熙二年九月揚武將軍營士陳蓋家有苦蕒菜莖高四  
尺六寸廣二尺二寸厚三寸亦草妖也此殆與吳終同象識者  
以為苦蕒者實勤苦也自後歲歲征討百姓勞苦是買苦也十  
餘年中姚泓鳥宏反滅兵始戢是苦蕒之應也

義熙中宮城上及御道左右皆生蒺藜亦草妖也蒺藜有刺不  
可踐而行生宮牆及馳道天戒若曰人君不聽政雖有宮室馳

道若空廢也故生蒺藜

宋明帝泰始四年春正月丙辰朔雨草于宮

陳後主末臨平湖草久塞忽然自通

魏太武太延元年有嘉瓜合蒂生於中山

隋高祖時上黨有人宅後每夜有人呼聲求之不得去宅一里  
所但見人參一本枝葉峻茂因掘去之其根五尺餘具體人狀  
呼聲遽絕蓋草妖也視不明之外時晉王陰有奪宗之計高祖  
不悟聽邪言屢無罪因此而亂也

唐武德四年益州獻芝草如人狀占曰王德將衰下人將起則  
有木生為人狀草亦木類也

景龍二年岐州郿縣民王上賓家有苦蕒菜高二尺餘上廣尺  
餘厚二分近草妖也

三年內出蒜條上重生蒜蒜惡草也重生者其類衆也

四年京畿藍田山竹實如麥占曰大饑

開元二年終南山竹有華實如麥嶺南亦然竹並枯死是歲大饑民採食之占曰竹栢枯不出三年有喪

十七年荊州竹實

元和十三年八月鹽鐵使奏鄆城上蔡等縣生菘蒿草引蔓結實味甘人賴為食

太和九年冬鄭注金帶有菌生近草妖也

開成四年六月襄州山竹有實成米民採之

光啓元年七月河中解末樂生草葉自相膠結如旌旗之狀人以爲旗子草

二年七月鳳翔麟游草生如旗狀上曰其野有兵

宋乾德四年渭州范裕獻嘉蓮一葉二花符志所載雙頭花甚多不及悉書

太平興國七年八月知易州白繼贊獻合歡瓜 知河南府焦

繼獻合歡牡丹花

大中祥符四年四月江陵府刑部郎中袁煒家圃芍藥甚多不悉獨各標其一以備異聞也

咸平二年知黃州張鑑獻瑞草二木 九月鄂州武昌縣生思

草如栢色瑩白枝葉傅地如繡

淳化三年知開州趙得忠獻忘憂草圖花萼相重而生

咸平二年閏三月宣池欵杭越睦衢婺州箭竹生米如稻時民饑採之充食

大中祥符三年四月京師竹有華占主歲不登

天禧元年四月邵州邵陽縣竹上生穗如米居民饑乏食採食之又饒州浮梁縣山竹生穗如米

慶曆元年二月丙午京師雨藥

熙寧六年十二月徐州滕縣官舍生異草經月不腐

元豐二年六月忠州雨豆

元豐間眉州梓州處州俱生瑞竹

元祐三年六月忠州臨江縣雨皂又雨黑黍

大觀元年廬州雨大豆

政和四年八月建州言境內竹生米數千萬石

五年十一月癸酉越州言承天寺瑞竹一竿七枝枝幹相似其

葉圓細生花結實

紹興十六年正月辛未瀘州雨豆豆生於地自天而下近草妖

也

二十一年饒州鄱陽縣石門民家籬竹生重莖柱册又民家竈

鼎生金色蓮花萬州虔州汀州俱有蓮同蒂異莖

穀異 野穀 竹米

周唐叔得禾異畝同穎也唐叔於其食邑內得異禾故穎穎穗狀木各生一節而合為一穗故異也盧

諸天子王命唐叔歸周公于東異畝同穎天下和同之象周公

叔以禾作歸禾周公既得命禾旅天子之命旅陳也陳成王歸禾之命而推美成

王善則作嘉禾稱君

漢哀帝建平元年光武生於濟陽縣舍時皇考南頓君為縣令

是歲縣界有嘉禾生一莖九穗因名光武曰秀

漢光武建武三年野穀旅生旅寄也不因播種而生故曰麻菽旅今字書作櫓音呂古字通

尤甚被於山阜人收其利焉

明帝永平十一年嘉禾生

安帝延光二年九真言嘉禾生東觀記口禾一百五十

桓帝建和二年嘉禾生大司農帑藏六本七百六十八穗

魏陳留王咸熙元年安彌福祿縣各言嘉禾生

吳孫權黃龍三年由拳野稻自生改為禾與縣會稽南始平

言嘉禾生

皇

文獻通考卷二百九十七

左

崇禎三年重刊

赤烏七年宛陵言嘉禾生

孫亮時交趾稗草化為稻詳見草異門

晉惠帝元康二年竹結實如麥又有草結實如麥俱見草妖門

安帝元興三年荆江二州界竹結實如麥

宋孝武帝孝建二年清景殿西薨鴉尾中央生嘉禾一株五莖

乃以清景殿為嘉禾殿

梁武帝中大同三年秋吳興生野稻饑者利焉

魏大武太延元年嘉禾合秀於恒農

唐開元二年竹結實如麥

十九年四月揚州奏櫓生稻二百一十五頃再熟稱一千八百

頃其粒與常稻無異

元和七年十一月梓州上言龍川界嘉禾生

開成四年六月襄州竹成實如米

太和二年福建進瑞粟一十莖

太中二年七月福建觀察使殷儼進十三莖莖有五六穗

六年九月淮南節度使杜棕奏海陵高郵兩縣百姓於官河中

澆得異米煮食呼為聖米

天祐元年七月河南府奏穀水村內嘉禾合穗

後唐天成四年七月遂州進嘉禾一莖九穗

蜀王建武定二年廣都嘉禾合穗

宋乾德二年十月眉州獻禾生九穗圖

四年六月果州南充縣民何約田禾一莖十三穗一莖十一穗

七月又生一莖九穗

開寶八年八月嘉州驛有禾一莖十四穗生庭中 河中府寶

鼎縣民張知友田禾隔四壠相去二尺許合穗

太平興國三年懷安軍金水縣民田禾一莖三十六穗

物異

太平興國三年懷安軍金水縣民田禾一莖三十六穗

宋

六年召近臣觀嘉穀于後苑有七穗至四十八穗者

七年八月府州府谷縣民劉善田禾隔三壠合成一穗遼州平

城縣民田禾隔二壠至五壠合穗有十三本或二十一莖合為一者

天禧元年竹成米見草異門

五年四月襄州襄陽縣民田穀穉生成實

乾德四年澶州濮陽縣民李温田麥兩歧三歧四歧各五十本

五歧二十本六歧五本

淳化五年亳州永城縣麥一莖三穗四歧同幹者三十本

咸平二年竹生米見草異門

景德二年梓州麥五歧

大中祥符四年五月唐汝廬宿楚泗濠州民田麥自生 六月

壽州六安縣民田穉生麥八十餘頃

天禧五年四月襄州營田務麥自生者四頃餘

太平興國四年八月宿州符離縣泮湖穉生稻民採食之味如

麵謂之聖米

淳化五年温州靜光院有稻穉生石罅九穗皆實

大中祥符三年二月江陵公安縣民田獲穉生稻四百斛

至道二年四月福州福清縣麻雨黃黑豆又長樂太平二鄉雨

黑豆皆堅實異常

大中祥符六年二月泰州管内四縣生聖米大如芡實

九年慶州安化縣民王景温田林一桴二米

右三朝瑞符志載自乾德以來至天禧郡縣所上嘉禾

異麥野穀之屬始不勝書姑摭其尤異者一二著于此

天聖元年六月蘇秀一州湖田生聖米饑民取之以食興州

竹有實如大麥民取之以食占曰大饑

物異

慶曆七年渠州言石照等五縣野穀穰生民饑之候也

熙寧三年安州麥一本三穗至五穗凡十四莖深州來秀兩歧或三四穗凡四十畝

四年徐州麥一本百七十二穗

八年杭州鹽官縣自三月地產物如珠可食木產菜如菌可為

菹饑民賴之定州安喜縣禾二本間五壠合穗成穗軍平山縣

禾合穗者一保州保塞縣禾七本間一壠或兩壠合穗

九年渠州流江縣禾一苗九穗

元豐元年武康軍禾一莖十一穗

二年袁州禾一莖八穗至十一穗皆層出長者尺餘洪州六縣

稻已獲再生皆實

元祐二年劍州安國軍麥秀兩歧夔州苗十二穗 潤州丹陽

縣麥一本五

四年嘉州峨眉縣木異畝同穎又禾登二百五十三穗

五年汀州禾生三十六穗

六年南劍粟一本三十九穗

紹聖元年淮南軍禾一本九穗

五年淮西路民田既刈復生實

政和一年知定州梁十野奏嘉禾合穗一科相隳五壠計六尺

三寸生為一穗并中間壠內一科三莖上生粟二穗蔡州麥一

莖兩歧至七八歧者近約十畝遠或連野 台州進寧海縣早

禾一稔二米者凡五石時方修明堂遂呼典禮詔拜表稱賀

右四朝志載自熙寧以後三于宣政禾同穎麥兩歧之

事尤多不及悉書

其五 朱草

漢武帝元封二年甘泉宮西出產香九莖連葉瑞應圖七者敬事者皆老不

物異

文獻通考卷一百一十七

七



失故舊則芝草  
中謂後廢之

宣帝神爵元年金芝九莖生于函德殿銅池中金芝色象金也  
銅池承露也

後漢光武中元二年夏京師醴泉湧出又有赤草生於水崖朱草也大戴禮曰日以後生一葉至  
十五日以後落一葉周而復始

明帝永平十七年芝草生殿前

章帝建初四年零陵獻芝草

五年零陵獻芝草

和帝建和元年芝草生中黃藏府中黃藏府掌中幣  
常金銀諸貨物

靈帝光和四年二月郡國上芝英草

唐武德四年益州獻芝草如人狀占見草  
異門

貞觀十七年九月皇太子寢室中產素芝十四莖並為龍鳳之  
形天寶初臨川郡人李元胤屋柱生芝草狀如天尊像

上元二年七月甲辰延英殿御坐上白芝一莖三花白喪象也

貞元十二年七月東都留守奏苑内生芝草一株

長慶元年七月壽昌殿內槽柱上產玉芝一莖長九尺

後唐同光二年九月萊州奏即墨縣人李夢徵室內柱土生芝  
草兩本畫圖以進

長興三年十月萊州奏即墨縣人王友家生芝草一本三枝分  
兩岐或三岐上漸相向成片而圓色紫葉莖一色其表白高尺

餘上命宮中舊進芝  
草四本色莖皆同

周顯德元年河陽奏汜水縣民家生紫芝數莖進

南漢劉鋹時芝菌生宮中

宋建隆二年七月亳州獻芝一株

開寶七年陳州獻芝一本四十九莖

太平興國四年華山道士丁少微獻彤芝黝芝各一筍

物異

文獻通考卷二百九十九

七

崇禎三年重刊

五年真定府行宮殿梁生芝草如荷葉

八年十一月歙州婺源縣民王化於王陵山石上得紫芝一本叢生五莖

咸平四年濰州獻芝草一本如佛狀

六年永康軍導江縣民蒲矩田生芝一莖二層黃紫色高五寸許九月相州牧龍坊生芝一莖色紫黃長尺餘分七枝枝皆如手五指狀其最上枝類鳳首

大中祥符元年東封遣官祭文宣於孔林得芝五株色黃紫如雲氣及人戴冠幘之象詔遣內侍祭謝復得芝四本輕黃如雲氣之狀又東封經度制置使王欽若言親獲芝十一本又州民所得二十六本且言泰山日生靈草軍民競採請量給緡錢絹帛從之欽若來朝獻芝草八千一百三十九本有貫草木附石連理及飾為寶山者九月趙安仁來朝獻五色金玉冊紫芝八

目十一本十月泰山芝草再生者甚衆辛丑軍駕泛鄆州

州馬元方獻芝草五本甲辰欽若等又獻泰山芝草三萬八

百五十本有並五並三連理五色重疊如意寶蓋上下相

帶焉石草木五穀如寶山神仙靈禽瑞獸之象者六百四十

二詔令封禪日列天書送諸路名山勝境及賜宰相是月復州

獻芝草二本類神仙佛象河中府酒厨擗上生芝一本十二葉

其色如玉

六年奉祀經度制置使下謂至亳州真源縣太清宫道士瀨陽

鄉民繼獲芝草八十一本以獻已丑又獲二百五十本有一本

三莖一莖三蓋如雲氣佛像者九月又得應天府宋城縣所獲

芝五十本獻之十一月謂來朝獻芝草三萬七千一百八本飾

以仙人寶山靈禽異獸之狀十二月獻九萬五千一百本明年

車駕至真源縣置二百輿前導良有詣行闕獻者又一萬八千

本

按三朝符瑞志載天禧以前草木之瑞史不絕書而芝草尤多然多出於太中祥符以後東封西祀之時王欽若丁謂之徒以此道諛旦動以萬本計則何足瑞哉姑存其大畧云

熙寧四年至元豐八年天下言芝草凡三十七  
建中靖國元年至宣和靖康天下言芝草尤多

政和二年二月戊午河南府新安縣蟾蜍背生芝草自是而後祥瑞日聞玉芝產禁中殆無虛歲凡殿宇園苑及妃嬪位皆有之外則中書尚書二省太學醫學亦生紫芝

五年八月甲子蘄州嘗進一萬二千七百枝內一枝紫色九榦十二月己未汝州至進六萬本其間連理雙枝者一千八百八十有司不勝其紀初猶表賀後以為不皆賀也時朱勝非為

京東提舉學事行部至密州界見縣令部數百夫入山採芝彌漫山谷皆芝菌也或附木石或出平地有一本數十葉層疊高大衆色咸備郡守李文仲採及三十萬本每萬本作一綱入貢文仲尋進職除本道轉運使云

建炎二年九月癸卯密州獻芝草五葉如人指掌色赤而澤卻之東漢書以草生如手指為秉威權持國柄蓋黃潛善汪伯彥誤國脅上之應也

十八年梅州學廟生芝草

二十一年紹興府府學御書閣下生芝

二十五年五月太室楹生芝九莖宰臣秦檜帥百官觀芝稱賀自檜既相和籬罷兵文飾太平天下競以草木之妖獻瑞

慶元五年八月太室西北夾室楹生白芝四葉唐書以白芝為喪祥明年八月國連有大喪

物異

文獻通考卷三百九十九

三

崇禎二年重刊

嘉泰二年十一月秘書省右文殿楹生芝二莖

青青青祥

五行志以鼠妖為青青今削之自有專門

後漢桓帝永興二年四月丙午光祿勳吏舍壁下夜有青氣視之得玉鉤玦各一鉤長七寸二分周五寸四分身中皆雕鏤此青祥也王金類也七寸二分商數也五寸四分徵數也商為臣徵為事蓋為人臣引決事者不肅將有禍也時梁冀秉政專恣後四歲誅滅

靈帝光和元年七月有青虹見御坐玉堂後殿庭中

晉武帝咸寧元年八月丁酉大風折大社樹有青氣出焉此青祥也占曰東莞當有帝者明年元帝生是時帝大父武王封東莞由是徙封琅邪孫盛以為中興之表晉室之亂武帝子孫無子遺社樹折之應又曰恒風之罰

唐貞觀十七年四月立晉王為太子有青氣遶東宮殿始冊命而有禳不祥十八年六月壬戌有青黑氣廣六尺貫于辰戌其長亘天

太和九年鄭注篋中藥化為蠅數萬飛去注始以藥術進化為蠅敗死之象近青青也

乾元三年六月昏西北有青氣三

文獻通考卷之三百

宋鄱陽 馬端臨 貴與 著  
明鄆陽 燕天馭 應房 校刊

物異考 金異

周威烈王二十三年九鼎震

顯王三年雨金于櫟陽

赧王五十九年周亡秦昭王取九鼎其一飛入泗水餘八入于

秦中

漢武帝元鼎元年夏五月得鼎汾水上

四年六月得寶鼎

元封元年詔曰朕禮首山昆田出珍物化或為黃金應劭曰昆

下田也武帝祠首山故

神為出珍物化為黃金征和二年春涿郡鐵官鑄鐵鐵銷皆飛去此火為變使之然也

其三月涿郡太守劉屈氂為丞相後坐祝詛腰斬  
成帝河平二年正月沛郡鐵官鑄鐵不下隆隆如雷聲又如  
鼓音工十三人驚走音止還視地地陷數尺鑪分為十一鑪中  
銷鐵散如流星皆上去與征和二年同象其夏帝舅五人封列  
侯元舅王鳳擅政請殺丞相王商京兆尹王章許后坐廢趙飛  
燕為后賊害皇子成帝亡嗣一曰鐵飛屬金不從革按鑄鐵而  
鐵不成正金不從革之異也又按五行志以為火不炎上誤矣  
今並革而正之

後漢明帝永平六年二月王雒山出寶鼎廬江太守獻之詔以  
初祭之日陳鼎于廟以備器用賜三公以下帛有差

十一年灤湖出黃金廬江太守以獻初在廬州合肥縣

章帝建初七年幸槐里岐山得銅器形似酒罇獻之

魏明帝青龍中盛修宮室西取長安金狄承露槃槃折聲聞數

十里金狄泣於是因留霸城山金失其性而為異也

吳孫權赤烏十二年寶鼎出臨平湖

孫休永安三年得大鼎于建德縣

晉惠帝元康三年閏二月殿前六鐘皆出涕五刻止前年賈后

殺楊太后於金墉城而賈后為惡不止故鐘出涕猶傷之也

永興元年成都伐長沙每夜戈戟鋒有火光如懸燭此輕人命

好攻戰金失其性而為光燄也天戒若曰兵猶火也不戢將自

焚成都不悟終以敗亡

懷帝永嘉元年項縣有魏豫州刺史賈逵石碑生金可採此金

不從革而為變也五月汲桑作亂郡寇騰起清河王暉為世子

時所佩金鈴忽生起如粟者康王母疑不祥毀棄之及後為惠

帝太子不終于位卒為司馬越所殺

程氏演繁露曰晉語云墓碑生金庾氏大忌初不曉生金

爲何等語按吳淑事類賦引魏志曰繁昌縣傳碑中生  
金表送上羣臣盡賀王隱晉書曰永嘉中陳國項縣賈逵  
石碑中生金人盜鑿取以賣賈已復生此江東之瑞也其  
曰瑞者晉爲金行故金生爲祥元帝中興其應也據此而  
言則碑中誕生黃金矣亦異事哉

元帝永昌元年甘卓將襲王敦既而中止及還家多變怪照鏡  
不見其頭此金失其性而爲妖也尋爲敦所襲遂夷滅

石季龍時鄴城鳳陽門上金鳳凰二頭飛入漳河

海西太和中會稽山陰縣起倉鑿地得兩大船滿中錢錢皆輪  
文大形時日向暮鑿者馳以告官官夜遣防守甚嚴至明日失  
錢所在惟有船存視其狀悉有錢也

安帝義熙初東陽太守殷仲文照鏡不見其頭尋亦誅翦占與  
卓同也

陳後主禎明二年五月東冶鐵鑄有物赤色大如斗自天墜鑄  
所隆隆有聲鐵飛破屋而四散燒人家東冶者陳人鑄兵之所  
鐵飛爲變者金不從革之應天戒若曰陳國小兵弱云其後卒

隋堯君素守蒲州兵器夜有光如火火燦金金所畏也敗亡之  
象

劉武周據并州兵勢甚盛城上稍刃夜每有火光

唐垂拱三年七月魏州地出鐵如船數十丈廣州雨金金位正  
秋爲刑爲兵占曰人君多殺無辜一年兵災于朝

神龍初東都白馬寺鐵像頭無故自落於殿門外  
天寶十載六月大同殿前鐘自鳴占曰庶雄爲亂宰臣李適之  
常列鼎具饈羞中夜鼎出相鬪不解鼎耳及足皆折

乾元二年七月渾天儀有液如汗下流

元和中翰林院有鈴夜中文書入則引之以代傳呼長慶中河北用兵鈴輒自鳴與軍中息耗相應聲急則軍事急聲緩則軍事緩

光化四年冬武德殿前鐘聲忽嘶頃天復元年九月聲又變小後唐天成中僞漢欽州羅浮山民掘得古劍有篆文曰巳與水同宮王將耳口同尹來居口十山謂護重重以獻僞王劉陟國人莫之辨及平廣南競傳其言知者云太宗以巳亥年降誕是巳水同宮也於文耳口王為聖尹口為君重山為出蓋巳亥年聖君出也

晉開運二年六月登州文登縣地內湧出金銅佛像四

漢乾祐元年三月中書厨釜鳴七日七罷免勒歸私第

宋建隆二年七月晉江神山縣北北谷中有鐵隨水流出方二丈三尺其重七十斤

至道二年二月桂陽監鎔銀自湧成山峯狀如兩神圍護

咸平四年十二月亳州太清宮鐘自鳴

大中祥符六年九月臨江軍清江縣民李公邁至雲騰廟前遇小童贈塊土還家剖之得天尊人主像五軀

慶曆四年五月乙亥撫州金谿縣得生金山重三百二十四兩

政和五年正月湖南提舉常平劉敦言蘆荻衝出生金重九斤

八兩狀類灵芝粹雲又淘得碎金四百七兩有奇十一月越

州言民戶拾生金澧州丁羊谷金坑僅千餘眼得鑛成金共

四等計一百三十四兩有奇

崇寧四年三月鑄九鼎用金甚厚取九州水土內鼎中既奉安于九成宮車駕臨幸便禮焉至北方之寶鼎忽漏水溢于外劉炳謬曰正北在燕山今寶鼎但取水土于雄州境宜不可用其後竟以北方致亂



建延三年吉州修城役夫得髀顛棄之水中俄浮一鍾有銘七  
十六字大畧云唐吳元吾子歿瘞廬陵西壘後當火德五九之  
際世衰道敗浙梁相繼喪亂章貢康昌之日吾亦復出是邦東  
平鳩工復使吾子同河北聽命水伯時郡守命錄之僅錄畢而  
鍾自碎近金為變怪也

紹興十一年王管城都路等茶事馮康國言三月庚申金虜居  
長安兵刃皆生火光天變豈直示虜亦示國家以恢疆之圖  
皆與晉志永興初成都伐長沙戈戟火光及唐志劉武周稍亦  
火光同占輕人命好攻戰金失其性為光怪也兵猶火也弗戢  
自焚敗亡象也

二十六年七月辛酉夜天雨水銀與唐志貞觀廣州雨金同占  
金位正秋為刑為兵占曰人君多殺无辜一年灾于朝是歲  
成都郫縣地出銅馬高三尺工制甚精中宵風雨輒聞嘶声紹

吳中秦檜別墅農夫耕鑿得金壘重二十四鈎

慶元二年正月秦寧縣耕夫得鏡厚三寸徑一尺二寸照水徹  
底對日爭輝病熱者鑑之心骨生寒後為雷震而碎十二月  
吳縣金鸞鄉銅錢百萬自飛漢書陰盛陽微金鐵為飛

玉石之異

春秋昭公八年春石言于晉晉平公問師曠對曰石不能言神  
或馮焉作事不時怨讎動于民則有非言之物而言于是晉侯  
方築虜祈之官醜醜地在劉歆以為金石同類是為金不從  
革失其性也劉向以為石白色為主屬白祥

昭公二十四年王子朝以成周之寶湛于河津人得之河上陰  
不佞取將賣之則化為石詳見白

漢孝昭元鳳三年泰山有大石起立詳見白

成帝鴻嘉三年五月乙亥天水冀南山大石鳴声陰陰如雷有

頃止聞平襄二百四十里野鷄皆鳴石長丈三尺廣厚畧等旁  
著岸費去地二百餘丈民俗名曰石鼓石鼓鳴有兵是歲廣漢  
拜于謀拜于謂拜徒攻軍募死囚鄭躬等盜庫兵劫畧吏民後  
四年尉氏樊並等謀反殺陳留太守山陽亡徒蘇令等黨與約  
數百人盜庫兵經歷郡國四十餘皆踰年乃伏誅時起昌陵作  
者教萬人徙吏民作治五年不成與晉石言同應師曠所謂民  
力彫尽傳云輕百姓者是也  
魏明帝青龍元年張掖柳谷口水溢涌室石負圖狀象靈龜立  
于川西有石馬七及鳳麒麟白虎犧牛璜玦八卦列宿字彗之  
象又曰有文大討曹吳晉之符命而于魏為效好攻戰輕百姓  
歸城郭侵邊境魏世三祖皆有其事石圖發于非常之文吳不  
從革之義晉定大業多斃曹氏石瑞文大討曹之應也  
吳孫亮五鳳二年湯羨離里上大石自立

孫皓天璽元年都陽言歷陽山石文理成字凡二十云楚九

州渚吳九州都揚州士作天子四世治太平始江表傳曰歷

臨水高百丈其二十丈所有七穿駟羅穿中色黃赤不與本  
體相似俗相傳謂之石印又云石印封發天下當太平有伺  
屋巫祝言石印神有三印時歷陽長表上言石印發皓遣使  
以太宰祭歷山巫言石印三印說天下方太平使高梯  
上看印文詐以朱書石作二十字還以啓皓皓大喜曰吳當  
重遣使以印綬拜三印為王又吳興陽羨山有空石長  
刻石立銘褒贊靈德以答休祥又吳興陽羨山有空石長

十餘丈名曰石室在所表為大瑞乃遣兼司徒董朝兼大常

周處至陽羨縣封禪國山明年改元大赦以協石文

晉惠帝永平五年有石生於京師宜年里

永康元年襄陽得鳴石一丹陽湖有浮石 真定獲玉馬詳前

元帝初渡江有玉冊見於臨安白玉麒麟神璽出於江寧其文

曰長壽萬年皆以為中興之驗焉

愍帝建興五年石言于平陽時帝蒙塵亦在平陽故有非言之物而言妖之大者俄而帝遇害

劉曜時終南山崩長安人劉終於崩所得白玉方一尺有文  
字曰皇亡皇亡敗趙昌并水竭構五梁罅各西小衰困置  
喪嗚呼嗚呼赤牛奮刺引其盡乎時羣下咸賀以為勒滅  
之徵曜太悅齋七日而後受之於太廟大赦境內以終為奉  
瑞大夫中書監劉均進曰臣聞國主山川故山崩川竭君為  
之不舉終南京師之鎮國之所瞻無故而崩其凶焉可不言  
昔三代之記其災也如是今朝臣皆言祥瑞臣獨言非誠上  
忤聖旨下違眾議然臣不遠大理竊所未同何則玉之於山  
石也猶君之於臣下山崩不壞象國傾人亂皇亡皇亡敗趙  
昌者此言皇室將為趙所敗趙因之而昌今大趙都於秦雍  
而勒跨全趙之地趙昌之應當在石勒不在我也并水竭構

五梁者并謂東并秦之分也五謂五車梁謂大梁五車大梁  
趙之分也此言秦將竭滅以構成趙也罅者歲之次名作罅  
也言歲馭作罅西之年當有敗軍殺將之事困謂困敦丁巳  
歲在子之名玄罅亦在子之次言歲馭於子國當喪亡赤牛  
會鞞謂赤奮若在正之威名也牛謂牽牛東北維之宿丑之  
分也言歲在於丑當歲亡盡無復遺也此其誠悟蒸蒸欲陞  
下勸脩德化以僕之

石虎時青州言濟南平陵城北石虎一夜中忽移在城東南  
善石溝上有狼狐千餘迹隨之迹皆成路虎大悅曰石虎者  
朕也自北而南者天意將使朕平蕩江南也其勅諸州兵明  
年朕當親重六軍以副成路之祥羣臣皆賀又有石燃于秦  
山八日而滅東海有大石自立旁有血流鄴西山石間血流  
血長十餘步廣二尺餘

慕容雋既潛立初石虎使人探策于華山得玉版文曰歲在申酉不絕如綫歲在壬子貴人乃見及此燕人咸以為雋之應也又常山大樹自拔根下得璧七十珪七十三光色精奇有異常玉雋以為嶽神之命遣其尚書段勒以太牢祠之梁武帝中大同元年春曲阿縣建陵隧口石辟邪起舞齊高祖受禪之日榮陽郡人尹千公嵩山東南隅見天雨石墜地石開有玉璽在其中璽方三寸文曰戊丁之人與道俱蕭然入草應天符掃平河洛清魏都又曰皇帝運興千奉璽以獻按宋武帝於嵩高山得玉璽三枚神人云此是宋分世之數三十二年二三十也宋自受命至禪齊凡六十年云後齊武成河清四年殿上石自起兩兩相對唐貞觀十七年八月涼州昌松縣鴻池谷有石五青質白文成字曰高皇海出多子李元王八十年太平太子李世民千年太

子李治書燕山人士樂太國主尚汪譚獎文仁邁千古大王五王六王七王十鳳毛才子七佛八菩薩及上果佛田天子文武貞觀昌大聖延四方上不治示孝仙戈八為善太宗遣使祭之曰天有成命表瑞貞石文字昭然曆數惟永既旌高廟之業又錫眇身之祚迨于皇太子治亦降貞符具紀姓氏甫為寡薄彌增寅懼昔魏以土德代漢涼州石有文石金類以五勝推之故時人謂為魏氏之妖而晉室之瑞唐亦土德王石有文事頗相類然其文初不可曉而後人因推已事以驗之蓋武氏革命自以為金德王其佛菩薩者慈氏金輪之號也樂太國主則鎮國太平公主安樂公主皆以女亂國其五王六王七王者唐世十八之數

開元二十三年十二月己巳龍池聖德頌石自鳴其音清遠如鐘磬近石言也

至德二年昭陵石馬汗出昔周武帝克晉州齊有石像淫流濕地此其類也

上元二年楚州獻寶玉十三曰玄黃天符形如笏長八寸有孔云辟兵疫曰玉鷄毛白玉也曰穀璧亦白玉也粟粒自然無雕鏤迹曰西王母白環二曰如意寶珠大如鷄卵曰紅靺鞨大如巨栗曰琅玕珠二形如玉環四分缺一曰玉印大如半手埋如鹿陷入印中曰皇后採桑鉤如著屈其末曰雷公石斧無孔其一闕凡十三置之日中白氣連天

元和中文水武士護碑失其龜頭

太和三年南蠻圍成都毀玉晨殿石為礮有吼聲三乃止四年浙西觀察使王蟠治潤州城墮中得方石有刻文曰山有石石有玉玉有瑕瑕即休

廣明元年華嶽廟玄宗御製碑隱隱然有聲聞數里間浹旬乃

正近石言也

南漢劉鋹時宮中井旁石自立行百餘步而仆

宋太平興國四年九月嘉州夾江縣民王詣得江石二皆黝質丹文隱起成字一曰君王萬歲二曰趙二十一帝

三年四月華州言秦嶺南石洞自開遣吏馬文則秉炬視之入數十步得丹砂千二百粒獸形石六以獻

五年五月鄭州修東岳祠穿土得玉杵曰七年六月深州陸澤縣民王緒田中得白兔逐入穴掘之得石

佛五十軀皆長尺餘

天禧三年正月睢州沈丘縣民駱新田間震雷頃之隕石三人地七尺許

大中祥符五年四月慈州民飢鄉寧縣山生石脂如麵可為餅

政和二年元圭始出晉州上一石綠色方三尺餘當中有文曰堯天正其字如掌大而端楷類手蓋者堯字居右天正字綴行如左都堂驗視龔石三分而字畫愈明又於堯字之下隱約出一瑞字位置始均蓋曰天正堯瑞云或謂晉陽堯都也方元圭出乃有此瑞殆宣和內禪之祥

政和三四年府畿汝蔡之間連山大小石皆變為瑪瑙尚方取為寶器玩甚富

宣和四年後御府所藏往往復變為石而色類白骨此與周寶圭占略同

五年鄭州滎陽縣賈谷山麒麟谷採石修明堂得一石有文曰明百官表賀

七年二月丙戌張杲言北岳廟於廟側二十里黃山獲石柱十六條脩短闊狹皆應營造法式用建正門毫釐不差

三年四月鼎州桃源洞大水巨石隨流而下石間成文或

石三十二字其文曰無為大道天知人情無為窈冥神見人形心言意語鬼聞人聲犯禁滿盈地收人竟與唐志貞觀中鴻

池谷石文同占

紹興元年潭州得白玉于州城蓮池中孔彥舟以獻于朝詔却之漢志以為玉變近白祥與石怪同占後彥舟為劇盜

乾道二年三月丙午夜福清縣石竹山太石自移聲如雷石方可九丈所過成蹊纜四尺而山之草木如故

慶元二年六月辛未黃巖縣大石自墮雷雨甚至山水涌出

白青白祥天雨毛地生毛

春秋左傳昭公二十四年十月癸酉王子鼫以成周之寶圭湛于河以祭河也幾以獲神之助甲戌津人得之河上陰不佞取將賣之則為石時王子鼫篡天子位萬民不鄉號令不從故有玉變

物異白祥

文獻通考卷三百

十

崇禎二年重刊

近白祥也癸酉入而甲戌出神不享之驗云玉化為石貴將為賤也後二年子鼂奔走而死

秦始皇二十六年鄭容遇江神持璧言祖龍死事詳見與周子龍同應是歲石墮東郡民或刻其石曰始皇死而地分此皆白祥炕陽暴虐號令不從孤獨治羣陰不附之所致其歲始皇死後三年秦滅

漢孝昭元鳳三年正月泰山萊蕪山南匈匈有數千人聲民視之有大石自立高丈五尺大四十八圍入地深八尺三石為足石立處有白鳥數千集其旁眚孟以為石陰類下民象太山岱宗之岳王者易姓告代之處當有庶人為天子者孟坐伏誅京房易傳曰復崩來无咎復卦之辭今自上下者為崩厥應太山之石顛而下也聖人受命人君虜又曰石立如人庶士為天下雄立於山同姓平地異姓于寶立於水聖人以澤小人

天漢元年三月天雨白毛三年八月天雨白鼂鼂毛之強曲京者音力之反

房易傳曰前樂後憂厥妖天雨羽又曰邪人進賢人逃天雨毛

吳孫亮五鳳二年五月陽羨縣離里山大石自立按京房易傳曰庶士為天子之祥也其說曰立石於山同姓平地異姓于寶以為孫皓承廢故之家得位其應也或曰孫休見立之祥也

晉武帝太康十年洛陽宮西宜秋里石生地中始高三尺如香爐形後如偃於武人槃薄不可掘按劉向說此白膏也明年宮車晏駕王室始騷卒以亂亡京房易傳曰石立如人庶士為天下雄此近之矣

惠帝元康五年十二月有石生於宜年里

永康元年襄陽郡止言得鳴石撞宅江之聲聞七八里

太安元年丹陽湖孰縣夏架湖有大石浮二百步而登岸民驚

噪蘇到相告曰石來于寶曰尋有石冰入建鄴車騎大將軍東羸王騰自并州遷鎮鄴行次真定時久積雪而當門前方數丈不消釋騰怪而掘之得玉馬高尺許口齒缺騰以馬者國姓上送之以為瑞然馬無齒則不得食妖祥之兆衰亡之徵按占此白祥也是後騰汲桑所殺而天下遂亂

武帝泰始八年五月蜀地雨白毛此白祥也時益州刺史皇甫晏伐汶山胡從事何旅固諫不從牙門張弘等因衆之怨誣晏謀逆害之京房易傳曰前樂後憂厥妖天雨羽又曰邪人進賢人逃天雨毛其易妖曰天雨毛羽貴人出走三占皆應

惠帝永寧元年齊王冏舉義軍軍中有小兒出於襄城繁昌縣年八歲髮體悉白頗能於洪範白祥也

成帝咸康初地生毛近白祥也孫盛以為人勞之異也是後石季龍滅而中原向化將相皆甘心焉於是方鎮屢革邊戍仍遷皆擁帶部曲動有萬數其間征伐徵賦役無寧歲天下勞擾百姓疲怨

咸康三年六月地生毛

孝武太元二年五月京都地生毛至四年而氏賊次襄國圍彭城向廣陵征戍仍出兵連年不解

太元十四年四月京都地生毛是時符堅滅後經略多事人勞之應也

十七年四月地生毛

安帝隆安四年四月乙未地生毛或白或黑

元興三年五月江陵地生毛是後江陵見襲

義熙三年二月地生白毛

十三年三月地生毛明年王劼西討司馬休之又明年北掃關洛



梁武帝大同二年地生白毛長二尺近白祥也孫盛以爲勞人之異先是大發卒築浮山塹功費鉅億垂成復潰百姓怨嗟太清二年九月地生白毛長二尺時侯景舉兵反後齊河清元年九月滄州及長城之下地多生毛或白或黑長四五寸近白祥也時北築長城內興三臺人苦勞役天統初岱山封禪壇玉璧自出近白祥也岱山王者易姓告代之所玉璧所用幣而自出將有易姓者用幣之象其後齊亡地入于周隋高祖受周禪天下一統焚柴泰山告祠之應武平三年白水巖下青石壁傍有文曰齊亡走人改爲上延後主以爲嘉瑞百寮畢賀後周師入國後主棄鄴而走隋文帝開皇六年七月京師雨毛如髮尾長者三尺餘短者六七寸京房易飛候曰天雨毛其國大飢時關中旱米粟踴貴十七年石隕於武安滏陽間十餘洪範五行傳曰石自高墮者

君將危殆後七年帝崩

開皇末高祖於宮中埋二小石於地以誌置牀之所未幾變爲玉劉向曰王者至貴也賤將爲貴之象及大業末盜皆僭名號大業十三年西平都有石文曰天子立千年百僚稱賀有識者尤之曰千年萬歲者身後之意也立稱立千年者禍在非遠明年而帝彼殺

唐調露元年十一月壬午秦州神亭泊北霧開如日初曜有白

鹿白狼見近白祥也

垂拱元年九月淮南地生毛或白或蒼長者尺餘遍居人牀下揚州尤甚大如馬鬣焚之臭如燎毛占曰兵起民不安

神龍二年四月己亥雨毛于越州之鄞縣占曰邪人進賢人遁大曆二年七月甲戌日入時有白氣亘天九月戊午夜白霧起西北百天

五年五月甲申西北有白氣亘天

建中四年四月甲子京師地生毛或黃或白有長尺餘者

貞元四年四月淮南及河南地生毛

二十年九月庚辰甲夜有白氣入東西際天

太和三年八月西方有白氣如柱

六年二月蘇州地震生白毛

七年十月己酉西方又有白氣如柱者三

光啓二年四月有白氣頭黑如髮自東南入於揚州城

光化二年二月己巳日中有白氣亘天自西南貫於東北

天復元年八月己亥西方有白雲如履底中出白氣如足練長

五丈上衝天分為二髻頭下垂占曰天下有兵白者戰祥也

宋嘉祐七年三月徐州彭城縣白鶴地生麩占曰地生麩民

將飢 五月濠州鍾離縣地生麩

應寧元年荆襄間天雨白鬣如馬尾長者尺餘彌漫山谷

月丁酉潭州雨毛 八月五日丁丑雨黃毛

元豐三年五月青州臨朐益都石化為麩民取食之

靖康二年二月壬午夜四鼓白氣如虹自南見北頃更移西南

至東址天明而沒

建炎二年杜充為北京留守一日天雨紙錢千營中厚盈寸明

日與金虜戰于城下敗績錢金類金兵象紙白祥也

三年三月白氣貫日未幾苗傅等作亂凡白氣之占皆為天下

有兵戰白祥也

四年五月壬子夜北方有白氣十餘道如練語在赤祥

紹興元年二月己巳夜東南有白氣

十一年馮康國言三日庚申金虜居長安油酒皆變白色語在

金傳及夜妖此白祥也白西方兵象也亦喪祥後金酋賈為下

大直道長

一曰

所弒

三十年十一月甲午夜西南有白氣出危入昴十二月戊申白氣出尾入軫貫天布垣

三十一年十二月辛丑白氣如帶東西亘天出斗歷牛

隆興元年十二月壬午夜白氣見西南方出危入昴

二年正月甲寅夜西南有白氣亘天如帶

乾道元年正月庚午白氣見西北方出奎入參 三月戊辰夜

白氣如帶自參及角東西亘天一四月丁酉夜白氣見西北方

入天市垣辛丑夜白氣入斗乙巳夜白氣入紫微垣 十月

己丑夜蒼白氣見南方入翼 十一月丙寅白氣如帶出女入

昴東西亘天

二年十二月庚午夜白氣如帶東西亘天出女入昴

淳熙十年正月戊子夜西南有白氣如天漢而明南北廣可六

丈東西亘天歷壁至畢

紹熙五年六月壬寅夜白氣亘天自紫微至元角己酉日入後

白氣亘天頃刻而散



慶元五年二月癸酉夜東北方白氣如帶自角至參 八月甲

子東北方有白氣如帶亘天

嘉泰四年十一月壬申晝有白氣分數道亘天

紹熙四年十一月癸酉地生毛占曰兵起民不安後一年韓侂

胄用事卒有開邊毒民之禍



皇朝通志卷之三

封

寬政戊午

甲寅年辛酉開張毒丸之節

除濕四月十一日癸酉此主手占曰兵賊刃不交對一辛韓武

嘉泰四月十一日壬申畫背白麻衣嫌首巨天

壬東北衣背白麻收帶巨天

癸示正辛二月癸酉衣東北衣白麻收帶自前至參 八月甲

白麻巨天煎煉而婦

除濕正辛六月壬寅衣白麻巨天自紫辯至八前日酉日人

衣東西巨天煎製至畢

